



«КИМ ВАТАНГА СОДИҚ БЎЛСА, МЕНДИРМАН ЎША!»

www.mv-vatanparvar.uz

@vatanparvar09@mail.ru

VATAN – MUQADDAS, UNI HIMOYA QILISH SHARAFLI BURCHDIR!

VATANPARVAR



Сайтимизга ўтиш учун QR-кодини сканер қилинг.



2021 йил 8 январь, №1 (2908)

3 «ВАТАННИ УЧ БАҲОГА ҲИМОЯ ҚИЛИБ БЎЛМАЙДИ!»

9 ҚОНЛИ КЎЗЁШ-ЛА БИТИЛГАН АСАР

● 2021 йил 6 январь куни Тошкент шаҳрида Ўзбекистон Республикаси Олий Мажлиси Сенатининг ўн биринчи ялпи мажлиси бўлиб ўтди.

Унда Сенат аъзолари томонидан 5 та масала, шу жумладан, 3 та қонун муҳокама қилинди. Дастлаб Президент Шавкат Мирзиёевнинг Олий Мажлисга Мурожаатномасида белгиланган устувор вазифалар тўғрисидаги масала кўриб чиқилди. Шунингдек, «Ўзбекистон Республикасининг Конституциясига ўзгаришлар киритиш тўғрисида»ги, «Ўзбекистон Республикасининг Шаҳарсозлик кодексини тасдиқлаш ҳақида»ги ҳамда «Маданий фаолият ва маданият ташкилотлари тўғрисида»ги Ўзбекистон Республикаси Қонунлари сенаторлар томонидан маъқулланди.

● Ўзбекистон Республикаси Марказий сайлов комиссиясининг мажлиси бўлиб ўтди.

Жорий йилда мамлакатимиз ва халқимиз ҳаётидаги муҳим сиёсий воқеа – президент сайловлари ўтказилади. Шу боис бўлажак сайловларни миллий қонунчилик ва умумэтироф этилган халқаро демократик тамойиллар асосида юқори даражада ташкил этишга ҳозирдан алоҳида эътибор қаратилмоқда.

Мажлисида МСК котибияти ва Марказий сайлов комиссиясининг матбуот хизмати тўғрисидаги низомларни тасдиқлаш тўғрисидаги қарори қабул қилинди.

ЎЗА материаллари асосида тайёрланди.

O'ZBEKISTON



HAFTA ICHIDA

17 «МУСТАҚИЛ ЎЗБЕКISTON ФАРЗАНДИМАН!»

19 МАРКАЗДА НАВБАТДАГИ БИТИРУВ ТАНТАНАСИ



4-бетада

МИЛЛИЙ АРМИЯ – ВАТАНПАРВАРЛИК МАКТАБИ



13-бетада

АЙЁМ ШУКУҲИ ЎҚУВЧИЛАР НИГОҲИДА

Мудофаа вазирлиги тизимига оид сўнги янгиликлар билан қуйидаги манзиллар орқали танишинг:

t.me/mv_vatanparvar_uz
t.me/mudofaa_press

facebook.com/UzArmiya

instagram.com/uzbekistanarmy

Ўзбекистон Республикаси Президенти Шавкат Мирзиёевнинг Олий Мажлисга Мурожаатномасидан:

2020 йил аҳолини ижтимоий ҳимоя қилиш борасида туб бурилиш йили бўлди, десак, муболаға бўлмайди.

Аввало, аҳолининг муайян қатлами ўртасида камбағаллик мавжудлигини биринчи марта тан олиб, уни қисқартириш бўйича кенг қамровли ишларни бошладик.

Мамлакатимиз тарихда биринчи марта Бирлашган Миллатлар Ташкилотининг Инсон ҳуқуқлари бўйича кенгашига аъзо этиб сайланди. Яқинда АҚШ давлат департаменти томонидан Ўзбекистон диний эркинлик соҳасидаги «махсус кузатувдаги давлатлар» рўйхатидан чиқарилгани ҳам кенг қўламли демократик ислохотларимизнинг эътирофидир.

Бирлашган Миллатлар Ташкилоти Бош Ассамблеясининг олий минбаридан илгари сурган глобал ва минтақавий ташаббусларимиз дунё ҳамжамияти томонидан катта қизиқиш билан қабул қилиниб, қўллаб-қувватланмоқда.

2021 йилда Ўзбекистон Республикасининг давлат мустақиллигига 30 йил тўлади. Албатта, бу тарихий санани сиз, азизлар ва бутун халқимиз билан биргаликда «Янги Ўзбекистонда эркин ва фаровон яшайлик!» деган эзгу ғоя асосида кенг байрам қиламиз.

Биз ўз олдимизга мамлакатимизда Учинчи Ренессанс пойдеворини барпо этишдек улуғ мақсадни қўйган эканмиз, бунинг учун янги Хоразмийлар, Берунийлар, Ибн Синолар, Улуғбеклар, Навоий ва Бобурларни тарбиялаб берадиган муҳит ва шароитларни яратишимиз керак.

Ёшларимиз ўз олдида катта марраларни қўйиб, уларга эришишлари учун кенг имкониятлар яратиш ва ҳар томонлама кўмак бериш – барчамиз учун энг устувор вазифа бўлиши зарур. Шундагина фарзандларимиз халқимизнинг асрий орзу-умидларини рўёбга чиқарадиган буюк ва қудратли кучга айланади.

Шу мақсадда «Янги Ўзбекистон – мактаб оstonасидан, таълим-тарбия тизимидан бошланади», деган ғоя асосида кенг қўламли ислохотларни амалга оширамиз.

2021 йилда биринчи марта бюджетдан 900 нафар чин етим ёшларни уй-жой билан таъминлашга 50 миллиард сўм ажратилади.

Умуман, бундай эзгу ишларни тизимли йўлга қўйиш учун Болаларни қўллаб-қувватлаш жамоат фондиди ташкил этиб, унга бюджетдан 100 миллиард сўм йўналтирсак, ўйлайманки, сизлар ҳам бу ташаббусни қўллаб-қувватлайсиз. Бу маблағлар йил давомида кўпайтириб борилади.

Халқимиз хотиржам бўлиши керак: сифатли озиқ-овқат маҳсулотлари ишлаб чиқариш, бу борада қафолатланган захирани яратиш ва уларни бозорга узлуксиз етказиб бериш ҳамда нарх-наво барқарорлигини таъминлаш ишларига устувор даражада эътибор қаратилади. Бунинг учун Хукумат ва ҳокимликлар томонидан барча чоралар кўрилади ҳамда бу масала Президентнинг доимий назоратида бўлади.

Ҳар қандай жамият тараққиётида унинг келажигини таъминлайдиган ёш авлоднинг соғлом ва баркамол бўлиб вояга етиши ҳал қилувчи ўрин тутди. Шу сабабли биз ислохотларимиз кўлами ва самарасини янада оширишда ҳар томонлама етук, замонавий билим ва ҳунарларни пухта эгаллаган, азму шижоатли, ташаббускор ёшларимизга таянамиз.

Агар катта авлоднинг билими ва тажрибасини, узокни кўра олиш фазилатларини ёшларимиздаги ғайрат-шижоат, мардлик ва фидойилик билан бирлаштира олсак, кўзлаган марраларга албатта етамиз.

Янги Ўзбекистонни ана шундай билимли ва бунёдкор ёшларимиз билан биргаликда барпо этамиз.

Келгуси йилда мамлакатимиз мудофаа салоҳиятини ривожлантириш бўйича ислохотларимизни давом эттирамиз. Хусусан, Қуролли Кучларимиз қудратини, қўшинларнинг профессионал ва жисмоний салоҳиятини юксалтириш, ҳарбий хизматчилар ва уларнинг оилаларини ижтимоий қўллаб-қувватлаш ҳамда ёшларимизни ватанпарварлик руҳида тарбиялаш ишларига алоҳида эътибор қаратамиз.

Бугунги мураккаб шароитда юртимизда бошланган кенг қамровли ислохотлар, янги Ўзбекистонни барпо этиш сари ташлаётган дадил қадамларимизнинг бардавом бўлишини таъминлаш энг асосий вазифамиз бўлиши шарт.

Биз барчамиз «Янги Ўзбекистонда эркин ва фаровон яшайлик!» деган ягона мақсад атрофида бирлашиб, масъулият ва жавобгарликни чуқур ҳис этган ҳолда, фидокорона меҳнат қилиб, ўз орзу-мақсадларимизга, иншооллоҳ, эришамиз.

Ҳаёт олдимизга яна қанча синов ва муаммоларни қўйиши мумкин ва биз ҳар қандай ҳолатга тайёр туришимиз зарур. Лекин қанчалик қийин ва мураккаб бўлмасин, демократик ислохотлар йўлидан ҳеч қачон ортга қайтмаймиз. Олдинга, фақат олдинга қараб борамиз. Ва биз бунга ҳар томонлама қодирмиз. Чунки бугунги халқимиз – кечаги халқ эмас. Бугунги Ўзбекистон ҳам – кечаги Ўзбекистон эмас.

Ҳеч шубҳасиз, ўз кучимиз ва имкониятларимизга бўлган ишонч бизни Учинчи Ренессанс пойдеворини яратишдек эзгу мақсад йўлида бирлаштириб, янада кучли ва мустаҳкам қилмоқда. Бу интилишлар улкан амалий ишларга айланиб, буюк халқ ҳаракати тобора кенгайиб бормоқда. Бундай қудратли сафда бўлишнинг ўзи катта бахт, катта шарафдир.

ТАҲЛИЛ

Дунёда кечаётган ҳарбий-сиёсий вазият бугун барчамиздан ҳар қачонгидан-да ҳушёр бўлишни талаб этмоқда. Давлатимиз раҳбари ташаббуси билан мамлакатимиз хавфсизлиги ва барқарорлиги, унинг сарҳадлари дахлсизлигини таъминлаш бўйича тактик ва стратегик вазифаларни самарали ҳал этишга қодир бўлган, замонавий, ҳаракатчан, ҳар томонлама яхши қуролланган армияни ташкил этиш бўйича улкан ишлар амалга ошириб келинмоқда.

Президентимизнинг тегишли фармонида мувофиқ вилоят ҳокимликлари ҳузурида ҳарбий-маъмурий секторлар ташкил этилди. Дунёнинг ҳеч бир мамлакатидан учрамайдиган бу тажриба бугун ўз самарасини берди: қисқа вақтларда қўшинларда йиллар давомида йиғилиб қолган тизим-

ДУНЁДА ТАКРОРИ ЙЎҚ ТАЖРИБА ЎЗ САМАРАСINI БЕРМОҚДА

ли муаммолар бартараф этилиб, миллий армиямиз ҳар қачонгидан-да замонавийлик касб этиб бормоқда.

Мудофаа вазирлигининг ҳарбий-маъмурий секторлар билан ҳамкорликда олиб борган капитал



қурилиш ва таъмирлаш ишлари натижасида, қўшинлардаги эскирган жанговар тайёргарлик объектлари ва ўқув-моддий базаси, ҳарбий шаҳарча ва полигонлар инфратузилмалари замон талабларига мос равишда такомиллаштирилди. Бу ўз-ўзидан она Ватан ҳимоячиларининг доимий жанговар шайликни ушлаб туришида улкан аҳамият касб этапти.



Яна шунини алоҳида таъкидлаш лозимки, ҳарбий-маъмурий секторлар ҳамкорлигида ўтказилаётган ҳарбий-ватанпарварлик руҳидаги кенг қўламли маънавий-маърифий тадбирлар юртимиз аҳоли-

си, айниқса ёш авлод вакиллари қалбида Ватанга садоқат ҳиссини оширишга, ҳарбий касб эгаларига бўлган ҳурмат туйғуларининг ортиб боришига хизмат қилмоқда.

Мудофаа вазирлиги марказий аппаратида Олий Мажлис Қонунчилик палатаси Мудофаа ва хавфсизлик масалалари қўмитаси аъзолари ҳамда вазирлик масъул офицерлари иштирокида ўтказилган йиғилишда давлат бюджети ва ҳарбий-маъмурий секторлар маблағлари сарфлашининг тўққиз ойлик натижалари таҳлил этилиб, миллий армиямизнинг жанговар салоҳиятини янада ошириш, замонавий ва профессионал армияни шакллантириш борасида олиб борилаётган ишлар ҳақида тегишли маълумотлар берилди.

Йиғилиш давомида келгусида бажарилиши лозим бўлган долзарб вазифалар ва уларнинг ижросига доир масалалар келишиб олинди.

И. НОРМАТОВ

ТАҚДИРЛАШ

Мудофаа вазирлиги марказий аппаратида юксак давлат мукофотлари билан тақдирланган ҳарбий хизматчиларга мукофотларни топшириш маросими бўлиб ўтди.

Унда мудофаа вазири генерал-майор Баҳодир Қурбонов, вазир ўринбосарлари, масъул офицерлар ва кенг жамоатчилик вакиллари иштирок этди. Видеоконференц-алоқа тарзида ўтказилган мазкур тадбирда барча ҳарбий округлар иштироки ҳам таъминланди.

Дастлаб давлатимиз мадҳияси янгради.

Шундан сўнг мудофаа вазири сўзга чиқиб, 2020 йилда қўшинларда амалга оширилган ишлар сарҳисоби билан таништирди. Шунингдек, 2021 йилда бажарилиши лозим бўлган асосий вазифаларга ҳам тўхталиб ўтди.

Дарҳақиқат, мудофаа вазири ўз нутқида таъкидлаб ўтганидек, 2020 йил нафақат дунё халқлари, балки ватандошларимиз учун ҳам синовли йил бўлди. Лекин шунга қарамасдан, бу йил ҳам улкан қурилиш, бунёдкорлик ишлари ва ислохотлар жараёни барча соҳаларда



«ВАТАННИ УЧ БАҲОГА ҲИМОЯ ҚИЛИБ БЎЛМАЙДИ!»

шини эълон қилди ва жумладан шундай деди:

– Жанговар тайёргарлик қўшиннинг куч-қудратини, салоҳиятини кўрсатиб беради. Биз ўтган йили ўз профессионалликимизни юқори босқичга кўтардик ва буни турли мусобақалар ҳамда Халқаро армия ўйинларида исботлай олдик. Энди бундан ҳам кўпроқ тер тўкишимиз, ўз устимизда янада кўпроқ меҳнат қилишимиз керак. Бизга фақат аъло ва яхши баҳолар ярашади. Ахир Ватанни уч баҳога ҳимоя қилиб бўлмайди!



жадал суратларда давом этди. Хусусан, Мудофаа вазирлиги қўшинларида амалга оширилган улкан ижобий ўзгаришлар бугун Ватан ҳимоячиларининг юқори профессионалликни таъминлаб турибди.

Сарҳисоб қиладиган бўлсак, ўтган йил жуда кўп ҳарбий хизматчилар давлатимизнинг юксак мукофотлари билан тақдирланди. Боиси, пандемия ва юртимизда рўй берган фавқулодда ҳолатларни бартараф этишда юрт пос-

бонлари улкан жасорат намуналарини кўрсатди ва кўрсатмоқда.

Мукофотларни ўз эгаларига топшираётган мудофаа вазири генерал-майор Баҳодир Қурбонов 2021 йил ҳам қўшинларда «Жанговар взвод йили» бўли-

Тадбирда видеоконференц-алоқа орқали иштирок этган ҳарбий округларнинг қисқа ахбороти ҳам тингланди.

**Лейтенант
Исломжон ҚҶЧҚОРОВ,
«Vatanparvar»**



МИЛЛИЙ АРМИЯ – ВАТАНПАРВАРЛИК МАКТАБИ



Янги 2021 йилнинг илк кунларида Ватан ҳимоячилари куни ҳамда Ўзбекистон Республикаси Қуролли Кучлари ташкил этилганининг 29 йиллигини кенг нишонлар эканмиз, давлатимиз раҳбарининг, халқимизнинг, кенг жамоатчиликнинг Ватан ҳимоячиларига бўлган юксак ишончи ва меҳру муҳаббатини чуқур ҳис қилмоқдамиз. Зеро, қадимдан ўз исботини топиб келаётган бир ҳақиқат бор, яъни юртнинг илми, мард ва фидойи ёшлари ҳамisha халқдан куч-қувват олган.

Бутун дунё аҳли учун таҳликали келган 2020 йилнинг сўнгги кунлари, янги йил арафасида барчамиз Ўзбекистон Республикаси Президенти Шавкат Мирзиёевнинг Олий Мажлисига Мурожаатномасини мамнуният билан тингладик. Давлатимиз раҳбари халқимизнинг, хусусан, эзгуликни ўзига шиор қилган фидойиларнинг, оғир кунларда эл дардига дармон бўлган мутахассисларнинг, ўз касбини ардоқлаб, мамлакатимиз ривожига ҳисса қўшган ва қўшаётган ватандошларимизнинг хизмати ва меҳнатини алоҳида эътироф этдилар.

Мурожаатнома 2021 йилда ҳаётнинг барча жабҳаларини ислоҳ қилишга қаратилган фаолият йўналишларини белгилаб бергани билан аҳамиятли бўлди. Соҳалар кесимида бажарилиши керак бўлган устувор вазифаларнинг аниқ кўрсаткичлари акс этган Мурожаатномада қўйилган топшириқлар ва муҳим вазифалар ўтган йилдаги ишларнинг манتيкий давомини ўзида мужассам этди.

Президент Шавкат Мирзиёев таклифига мувофиқ, 2020 йилдаги юксак марраларни кўзлаб амалга оширилган ишларни давом эттириш ва юксак босқичга кўтариш мақсадида 2021 йил мамлакатимизда «**Ёшларни қўллаб-қувватлаш ва аҳоли саломатлигини мустаҳкамлаш йили**» деб эълон қилинди. Демак, бошланаётган йил Мурожаатномада баён қилинган ҳар бир устувор йўналиш ижроси билан давлатимизни тараққий эттирадиган, тинчлик-осойишталикни барқарор этадиган йил бўлиб, мамлакатимиз тарихида янги саҳифа очади.

Ўзбекистон Республикаси Президенти, Қуролли Кучлар Олий Бош Қўмондони Шавкат Мирзиёев Мурожаатномада мамлакатимиз Қуролли Кучлари фаолиятига алоҳида тўхталди. Ўзбекистоннинг ҳудудий яхлитлиги ва халқимизнинг осойишта ҳаётини ҳимоя қилишда ишончли кафолат, тоғдек таянч бўлиб келаётган миллий армиямиз қўшинларида жанговар тайёргарлик, ёшларни ватанпарварлик руҳида тарбиялаш, таъминот, ижтимоий муҳофаза йўналишларида бошланган ишлар изчил давом эттирилишини таъкидлади.

Дарҳақиқат, ўтган йил давомида

қўшинларда жиддий ўзгаришлар, ислохотлар ўтказилди. Хусусан, Ўзбекистон Республикаси Қуролли Кучларини ривожлантириш, ҳарбий жамоаларга уйғоқ руҳни олиб кириш, жанговар тайёргарлик, таъминот ва бошқа йўналишларда тўпланган муаммоларни ҳал қилиш, лўнда қилиб айтганда армиянинг қиёфасини тубдан ўзгартириш учун жиддий ҳаракатлар амалга оширилди. Дунёда содир бўлаётган ҳодисаларни,



ҳарбий ва мудофаа соҳасидаги янгиликларни таҳлил этган ҳолда илғор тажрибаларни ўрганиш, ҳарбий хизматчиларни мутахассислигидан келиб чиққан ҳолда ҳар томонлама тайёрлаш борасида амалий ишларга қўл урилди. Бу жараёнда ҳарбий округимизда аскардан то қўмондонгача, оддий хизматчидан то тажрибали мутахассисгача – барча фаол иштирок этди. Натижада кўплаб ютуқларга эришдик. Пандемия шароитида ҳарбий хизматчиларимиз ўз бурчи ва мажбуриятларига виждонан ёндашиб, Ватан олдидаги қасамёдига содиқ қолдилар.

Қўшинларнинг жанговар хизмат фаолиятини такомилга етказиш бўйича дала-ўқув майдонларининг инфратузилмаси бутунлай қайта кўриб чиқилди. Ўқув жойлари зарур воситалар ва анжомлар билан жиҳозланди. Ҳар бир мутахассиснинг мураккаб шароитдаги кучли руҳий зўриқиши ва жисмоний юкламада чидамлилигини ошириш борасида жанг шароитидаги тарбиявий ишлар такомиллаштирилди. Ҳарбий хизматчилар исталган вақтда, ҳаракат ҳолатидан қатъи назар қўйилган вазифани бенуқсон бажара олишига эришиши учун энг замонавий ахборот коммуникация технологиялари амалиётга жорий этилди.

Йил давомида «**Мен ғолиб!**» шиори остида ўтказилган жанговар тайёргарлик машғулотида, танлов ва мусобақаларда интеллект ва таҳлилий тафаккур қўшинларни бошқариш, юқори технологияларга эга қурол-яроғларни ишонч билан қўллаш ва қўйилган вазифаларни бажаришга янгича ёндашувда муҳим аҳамият касб этди.

Давлатимиз раҳбари ва халқимизнинг юксак ишончига жавобан 2021 йилда ҳам мудофаа соҳаси ислохоти бўйича белгиланган вазифаларнинг сифатли амалга оширилиши, ахборот-



рот-коммуникация технологияларини жорий этиш орқали қўшинларни бошқариш тизимини, ҳарбий-ватанпарварлик, маънавий-маърифий йўналишдаги ишларни такомиллаштириш борасида қатор ишларни амалга оширишни мақсад қилиб қўйдик.

Инсон ўзлигини англагани, насл-насабини чуқурроқ билгани сари юрагида Ватанга муҳаббат туйғуси илдиз отиб, улғая боради. Бу илдиз қанча теран бўлса, туғилиб ўсган юртга муҳаббат ҳам шу қадар юксак бўлади. Бу Ўзбекистон тупроғида яшаётган, уни ўз она Ватани деб биладиган барча миллат ва элатларга бирдек дахлдордир.

Халқимиз бой тарих, юксак маданият ва буюк маънавиятга эга. Зеро, энг қалтис ва таҳликали даврларда миллатимизга умид ва ишонч берган, уни ёвларга қарши курашга ундаган, аждодларимизни илмий кашфиётлар, ҳарбий зафарларга, маърифат машъалини баланд кўтариб, жаҳолатга қарши чиқишга чорлаган бекиёс куч маънавий жасорат туйғусидир.

Ватан ҳимоячилари куни байрами муносабати билан ёшларни ҳарбий-ватанпарварлик руҳида тарбиялаш ишларини тизимли, босқичма-босқич ва самарали ташкил этиш мақсадида, таълим муассасалари, маҳаллалар, энг чекка ҳудудларда,

ҳарбий қисмларда ўтказилаётган турли ўйин ва мусобақалар, Қўмондон ва ёшлар учрашувлари, мардлик сабоқлари, маънавий-маърифий тадбирларда илғор ҳарбий хизматчилар, бой ҳаётий тажрибага эга бўлган Қуролли Кучлар фахрийлари, илмфан, маданият ва спорт соҳаларида, турли мусобақа ва танловларда ғолиб бўлган ёш авлод вакиллари иштирок этмоқда. «**Ким Ватанга содиқ бўлса, мендирман ўша!**» шиори мазмун-моҳиятига уйғун тарзда нишонланаётган Ватан ҳимоячилари куни тадбирларида Ўзбекистон ёшлар иттифоқининг ҳудудий, маҳаллий кенгашлари, «Маҳалла» хайрия жамоат фонди, «Нуроний» жамғармаси, Хотин-қизлар қўмитаси ва уларнинг ҳудудий бўлимлари билан ҳамкорлик қилинмоқда.

Тарих синовидан ўтган ҳақиқат шуки, эзгу ғояларга, маънавий меросга, анъаналар ва замонавий талабларга асосланмаган ҳар қандай давлат тизими узоққа бормайди. Дунёда энг қийин иш инсонни тарбиялаш, унинг онгу тафаккурини шакллантириш, деган гап бор. Чунки бу борада қуруқ сўз ва ҳатто билим-тажрибанинг ўзигина кифоя қилмайди. Бу борада авваламбор, инсон ўзининг амалий иши ва эзгу саъй-ҳаракатлари, фидойилиги билан мақсаднинг тўғрилиги, ҳаққонийлигини исботлаб бериши керак.

Бизнинг мақсадимиз оддий ва ҳаётий – ҳарбий хизматчилар, шу жумладан, ёшлар қалби ва онгида инсоний туйғулар қарор топиши, олижаноб фазилатлар устувор бўлишига эришиш. Табиийки, бунда фарзандларимизнинг нафақат билимини ошириш, балки улар қалбида мустақиллигимизни мустаҳкамлаш билан боғлиқ янгича тафаккур, янги ғояларни камол топтириш, уларни юртимиз тинчлиги, халқимиз фаровонлиги ва Ватанимиз тараққиётини таъминлаш йўлида эзгу ишларга рағбатлантириш, одамлар онгу шуурида ҳаётимизнинг турли соҳаларида олиб борилаётган кенг қамровли ислохотларга дахлдорлик, бунёдкорлик, келажакка ишонч ва шукроналик туйғуларини ривожлантириш муҳим аҳамият касб этади.

Полковник З. САЙФУДИНОВ,
Тошкент ҳарбий округи
қўшинлари қўмондони

КОНФЕРЕНЦИЯ

ПАРВОЗЛАР ХАВФСИЗЛИГИ САРҲИСОБ ЭТИЛДИ



Мудофаа вазирлиги Ҳаво ҳужумидан мудофаа қўшинлари ва Ҳарбий ҳаво кучлари қўмондонлигида «2020 йилда Ҳаво ҳужумидан мудофаа қўшинлари ва Ҳарбий ҳаво кучлари қўмондонлиги ҳарбий қисм ва қўшилмаларида парвозлар хавфсизлиги ҳолатини таҳлил қилиш» мавзuida анжуман ўтказилди.

Дастлаб тадбир иштирокчилари пойтахтимиздаги Ҳарбий учувчилар ёдгорлиги пойига гулчамбарлар қўйиб, Ватан тинчлиги ва осойишталиги йўлида жон фидо қилган ҳамкасбларининг ёрқин хотирасига ҳурмат бажо келтирди.

Анжуманнинг очилиш маросимида мудофаа вазирининг ўринбосари – Ҳаво ҳужумидан мудо-

фаа қўшинлари ва Ҳарбий ҳаво кучлари қўмондони генерал-майор А. Бурхонов сўзга чиқиб, мамлакатимизда Қуролли Кучлар, хусусан, ҳарбий авиация ривожига алоҳида эътибор қаратилаётгани, замонавий учиш аппаратлари харид қилиниб, уларни эркин бошқаришга қодир, ҳар томонлама юқори малакали кадрлар узлуксиз тайёрланаётганини таъкидлади.

Қўмондонликка қарашли барча қўшилмалар ва ҳарбий қисмлар командирлари, уларнинг ўринбосарлари иштирок этган анжуманда парвоз ишларининг ташкил этилиш ҳолати, авиация-муҳандислик таъминоти, муҳандис-техник ходимлар томонидан эришилган ютуқлар ҳамда йўл қўйилган камчиликлар атрофлича муҳокама қилинди.

Шунингдек, «2020 йилда парвозларни метеорологик ва орнитологик таъминлаш масалалари», «Парвозларнинг ер усти таъминоти воситалари ишини таҳлил этиш», «Аэродром-техник таъминоти, 2020 йилги парвозлар моддий-техник таъминотидаги камчиликлар ва уларни ҳал этиш йўллари», «Учувчи ва муҳандис-техник ходимларнинг соғлиги ва тиббий таъминоти статистикаси» сингари мавзулардаги маърузалар йиғилганларда катта қизиқиш уйғотди. Қолаверса, жорий йилда алоқа бўлинмалари ва радио ёритиш техник таъминоти парвозлари ҳамда Ўзбекистон Республикаси ҳаво бўшлиғидан фойдаланиш ягона бошқарув тизимининг бош маркази фаолияти сарҳисоби бўйича маълумот берилди.

– Пандемия ҳамда кутилмаган офатлардан жабрланган фуқароларни қутқариш ва эвакуа-



Муаллиф суратга олган

ция қилиш, беморларга зарур тиббий ускуна ва бирламчи дори-дармонларни етказиб беришда ҳарбий авиациянинг ўрни катта бўлди, – дейди подполковник Камолiddин Низомов. – Бу эса шахсий таркибнинг жанговар ва маънавий-маърифий тайёргарлигини икки ҳисса оширди, десам хато бўлмайди. Бугунги анжуман олдимиздаги мақсад ва режаларни янада аниқ белгилаб, бор куч-ғайратимизни Қуролли Кучларимиз нуфузини ошириш учун сафарбар этишга ундайди.

Анжуман сўнгида қўмондонлик томонидан парвоз хавфсизлигини таъминлаш бўйича амалий таклиф ва тавсиялар ўртага ташланди ҳамда келгусидаги устувор вазифалар белгиланди.

Дилшод РЎЗИҚУЛОВ,
«Vatanparvar»

ИСЛОҲОТЛАР САМАРАСИ

Мудофаа вазирлиги Ҳаво ҳужумидан мудофаа қўшинлари ва Ҳарбий ҳаво кучлари қўмондонлигига қарашли Жиззах вилоятидаги ҳарбий қисмда Ватанимиз ҳимоячиларининг маънавий жиҳатдан баркамол ва етук шахс бўлиб етишишлари учун барпо этилган замонавий «Маънавият ва маърифат маркази»нинг очилиш маросими бўлиб ўтди.

Капитал таъмирдан чиққан Кушбу бино ўзининг бир қанча имкониятлари билан самода қалқон, ерда посбон бўлган юрт ўғлонларининг жанговар тайёргарлик машғулотларидан бўш вақтини мазмунли ўтказишга ва ўзларининг маънавий ва маърифий тайёргарликларини оширишларига хизмат қилади.

Янги бинони топшириш маросимида сўзга чиққанлар Ўзбекистон Республикаси Қуролли Кучлари ташкил этилганлигининг 29 йиллиги арафасида яратилаётган имкониятлар миллий армиямиз қудратини янада юксалтиришга қаратилаётганлиги ҳамда ҳарбий хизматчиларнинг ҳам маънан, ҳам

Янги йилда янги қулайликлар

жисмонан чиниқишлари учун замин яратилаётганини таъкидлаб ўтишди.

Шундан сўнг, ҳарбий хизматчилар, фахрийлар ва кенг жамоатчилик вакиллари иштирокида ҳарбий қисмда капитал таъмирдан чиқарилган ва янгидан барпо этилган Маънавият ва маърифат маркази, ошхона ҳамда ёнғин ўчириш бригадаси депоси билан яқиндан танишдилар.

Янгича кўринишга эга бўлган Маънавият ва маърифат марказида

Ёшлар иттифоқи бошланғич ташкилоти хонаси, 280 ўринга мўлжалланган маданият зали, замонавий жиҳозлар ҳамда электрон кутубхона учун 17 дона компьютерлар тўплами билан таъминланган, 4 мингдан ортиқ адабиётлар, 5 мингга яқин электрон китобларни ўз ичига олган кутубхона само қалқонларига байрам совғаси бўлди.

Шу кун 250 ўринга эга шинам ва қулай ошхона ва янгит-

дан қуриб битказилган ёнғин ўчириш депоси, ётоқхона, ўқув синфлари, маиший хизмат кўрсатиш хонасининг фойдаланишга топширилиши ҳам ҳарбий хизматчиларнинг ижтимоий қўллаб-қувватланишининг яна бир намунаси бўлди.

Нилуфар АЛИЕВА,
ЎзЖОКУ ҳарбий журналистика
йўналиши талабаси



Лейтенант Отабек НОРБОВ

Тарих сабоқларидан маълумки, ҳар қандай эзгу ният, орзу мақсадларнинг рўёби, аввало, жамиятдаги тинчлик ва хотиржамлик билан чамбарчас боғлиқ. Бугун дунёнинг айрим мамлакатларида рўй бераётган сиёсий беқарорликлар, давлатларнинг осуда ҳаётига раҳна солаётган таҳдидлар барчамизни юртимиз тинчлиги, ҳаётимиз фаровонлигини кўз қорачиғидек асрашга, қадрлашга ундайди.



«ҲАЁТ МАКТАБИ»НИНГ ЁШЛАР ҲАЁТИДАГИ ЎРНИ



Ҳарбий соҳада олиб борилаётган изчил ислохотлар боис, бугун миллий армиямиз сафидаги хизмат шу юрт, шу замин фарзандлари учун нафақат конституциявий бурч, балки энг нуфузли ва шарафли касблардан бирига айланди. Том маънода ҳарбий хизмат – ёшларимизнинг иродасини тоблайдиган, уларнинг онгу шуурида ўз Ватани ва халқига садоқат, жасорат ҳамда матонат туйғуларини шакллантирадиган ҳақиқий ҳаёт мактаби вазифини ўтамоқда.

Мен, буюк саркарда, Соҳибқирон Амир Темурнинг «Аскарлари бақувват эл қудратли бўлур, қудратли элнинг аскарлари бақувват бўлур», деган теран моҳиятли сўзларини кўп такрорлайман. Зеро, бугун жисмонан бақувват, мураккаб техникаларни ўзлаштира олиш қобилиятига эга ҳарбий хизматчиларимиз, кенг дунёқараши, юксак маънавий-ахлоқий фазилатлари билан ҳам юртдошларимиз, айниқса, ёшларни ватанпарварлик руҳида тарбиялаш ишига муносиб ҳисса қўшиб келмоқда. Ушбу фидойи, жонкуяр юрт ҳимоячилари сафида Мудофаа вазирлиги Тоифаланган объектларни қўриқлаш қўшинлари қўмондонлиги ҳарбийлари ҳам бор.

Ўзбекистон Республикаси Қуролли Кучлари ташкил этилганининг 29 йиллиги ва Ватан ҳимоячилари кўни муносабати билан «Ким Ватанга содиқ бўлса, мандирман ўша!» деган устувор ғоя асосида бошланган «Ватанпарварлик ойлиги» тадбирлари қўмондонлик ҳарбий қисмларида ҳам кўтаринки руҳда ўтмоқда.

Бугун «Ватанпарварлик», «Мурувват» ва «Саховат» карвонлари кириб бормаган мактабгача таълим ташкилотлари, умумтаълим мактаблари, коллеж ва лицейлар, маҳаллалар, ногиронлар ва меҳрибонлик уйлари қолмади. Бу жараёнда асосий эътибор олиш ҳудудларга, жумладан Қорақалпоғистон Республикасининг Акшалак қўрғони ва Тахиятош тумани, Навоий

вилоятининг Учқудук ҳамда Зарафшон шаҳарлари, шунингдек, қўмондонлик бўлинмалари жойлашган бошқа барча ҳудудларга қаратилиб, жойларда фаолият олиб бораётган тарғибот гуруҳлари томонидан аҳоли қалбида юртга садоқат, Ватанимиз келажагига дахлдорлик ҳисси билан яшаш туйғуларини шакллантиришга йўналтирилган кенг кўламли тадбир-

лар амалга оширилмоқда.

Мазкур жараёнда ҳарбий хизматчиларимиз томонидан 77 нафар Иккинчи жаҳон уруши қатнашчисига ҳамда 184 нафар меҳнат фахрийсига моддий ва маънавий ёрдам кўрсатилиб, эҳтиёжманд, боқувчисини йўқотган, ногиронлиги бўлган юртдошларимиз, шунингдек, марҳум ҳарбий хизматчиларнинг оилаларидан ҳам мунтазам равишда хабар олинмоқда.

«Мардлик ва жасорат», «Армия ва ёшлар», «Мард, жасур ва садоқатли ватанпарварларни тарбиялаш – мактабдан бошланади!», «Армия – ёшлар нигоҳида!» мавзуларида ўтказилаётган маънавий тадбирлар давомида эса жанговар-хизмат фаолиятида муваффақиятларга эришган, давлат мукофотлари совриндорлари ҳамда намунали ҳарбий хизматчилар томонидан аҳолига ҳарбий хизмат нуфузи, бугунги кунда миллий армиямизда амалга оширилаётган ислохотлар, юрт ҳимоячилари учун яратилаётган шарт-шароитлар ҳақида тўлиқ маълумот берилмоқда.


«Эр йигитнинг эр йигитга айтган гапи таъсирли бўлади!» ва «Ҳарбий қисмдаги бир куним!» мавзуларида ўтказилган 50 дан ортиқ учрашув, очик эшиклар куни ҳам ҳудудлардаги 400 дан ортиқ уюшмаган ёшни бирлаштирди.

Ҳарбий қисмларга яқин ҳудудда жойлашган таълим муассасаларининг барчаси билан ҳамкорлик Меморандуми имзоланган. Шу асосда ҳар бир бўлинмага мактаблар бириктирилиб, ҳарбий хизматчилар қақирқача ёшларни тайёрлаш ишларида ҳам фаол қатнашмоқда.

Ҳамкор ташкилотлар билан бирга вояга етмаганлар ўртасида ҳуқуқбузарликлар профилактикаси ҳамда жиноятчиликка қарши кураш, ёшларда ватанпарварлик руҳини янада мустаҳкамлаш юзасидан ишлаб чиқилган қўшма чора-тадбирлар режаларига асосан, ички ишлар органларида профилактик рўйхатда турган вояга

етмаганлар, шунингдек, мактаб ички рўйхатида назоратга олинганлар ҳамда ўқувчи ёшлар ва кенг жамоатчилик вакиллари иштирокида қўмондонлик бошқарув аппарати, унинг Тошкент шаҳри ва вилоятларда жойлашган ҳарбий қисмларида учрашувлар, давра суҳбатлари, профилактик машғулотлар ўтказилмоқда. Мудофаа вазирлиги спорт клубида, Тошкент вилояти Бўстонлик тумани, Фарғона, Навоий ва Қарши шаҳарларида эса «Саломатлик учун 5000 қадам», «Спорт – саломатлик гарови», «Мен – соғлом турмуш тарзи тарафдориман» шиорлари остида ташкил этилган спорт фестивали ва марафонлар юртдошларимиз ўртасида соғлом турмуш тарзини тарғиб этишга хизмат қилмоқда.

Давлатимиз раҳбари томонидан илгари сурилган бешта муҳим ташаббус доирасида ҳарбий қисмларда «Беш ташаббус – беш имконият» шиори остида маданият, санъат, спорт,



адабиёт, компьютер саводхонлиги йўналишлари бўйича жами 60 дан ортиқ тўгараклар тузилиб, уларга 2000 га яқин ёшлар жалб этилган.

Юрт ҳимоячиларининг маънавий олами янада бойитиш, азалий қадриятлар ва анъаналаримизга асосланган дунёқарашини шакллантириш, ёшларни ватанпарварлик руҳида тарбиялаш ва ҳарбий хизматга бўлган қизиқишларини ошириш мақсадида, қўмондонлик ва бўйсинувчи ҳарбий қисмлар ҳудудларида «Адиблар боғи», «Ҳарбий тарих музейи», «Оила», «Ёшлар», «Нуронийлар», «Президентимиз томонидан илгари сурилган бешта муҳим ташаббус» каби бурчаклар ташкил этилган.

Бугун бўлинмаларимизда барча қулайликларга эга, замонавий маданият марказлари, бадий ва ўқув адабиётлари ҳамда электрон ва аудио китоблар билан бойитилган кутубхоналар шакллантирилиб, 100 000 дан ортиқ турли мазмундаги китоблар харид қилинди.

Шахсий таркибнинг китобхонлик маданиятини ошириш борасида амалга оширилаётган ишлар самараси ҳарбий хизматчиларимиз эришаётган натижаларда ҳам акс этмоқда, жумладан, Мудофаа вазирлиги микёсида ўтказилаётган «Энг яхши ёш китобхон» танловида қўмондонликнинг Бухоро

вилоятида жойлашган ҳарбий қисми контракт бўйича ҳарбий хизматчи, оддий аскар Рустам Ғофуров кетма-кет икки йилдан буён энг юқори натижага эришиб келмоқда.

Шунингдек, ҳарбий хизматчиларимиз Мудофаа вазирлиги микёсида ўтказилган «Энг яхши кутубхона», «Энг яхши кутубхоначи», «Рухий зўриқишларни ечишнинг намунали хонаси», Ўзбекистон ёшлар иттифоқи ҳарбий қисм «Энг илғор бошланғич ташкилот етакчиси» ҳамда «Энг илғор взвод командирининг тарбиявий ва мафкуравий ишлар бўйича ўринбосари» танловларида биринчиликни қўлга киритган бўлсалар, бошқа бир қатор мусобақа ва беллашувларда ҳам фахрли ўринларни эгалладилар.

Жиззах вилояти «Фориш» дала-ўқув полигонидан куч тузилмаларининг ўта муҳим ва тоифаланган объектларни

қўриқлаш бўлинмалари ўртасида ўтказилган кўпкураш спорт мусобақасида Тоифаланган объектларни қўриқлаш қўшинлари қўмондонлиги жамоаси фахрли биринчи ўринни қўлга киритгани шахсий таркибнинг яратилган шарт-шароитлардан оқилона фойдаланиб, касбий малакасини оширишга алоҳида эътибор қаратаётганини яна бир бор намоян этди.

Эришилган ютуқлар натижасида 6 нафар ҳарбий хизматчи давлат мукофоти, 104 нафари «Меҳр-саховат» ва 75 нафари «Намунали хизмати учун» кўкрак нишонлари билан рағбатлантирилди.

Қўмондонлик ҳарбий хизматчиларнинг турмуш ўртоқлари ва фарзандларини иш билан таъминлаш мақсадида ҳарбий қисмларда 28 та иш жойига мўлжалланган 4 та тикув-трикотаж цехларининг фаолияти йўлга қўйилган. Ташкил этилган 50 дан ортиқ меҳнат ярмаркаларида эса, 90 га яқин ҳарбий хизматчиларнинг оила аъзолари ишга жойлаштирилди. 135 нафар ҳарбий хизматчи узоқ муддатли ипотека кредити асосида уй-жой билан таъминланди.

Бу эса давлатимиз томонидан ҳарбий хизматчиларнинг ижтимоий ҳимоясига эътибори юксак эканлигидан далолат беради.

Полковник Журъат ЯКУБОВ,
Мудофаа вазирлиги
Тоифаланган объектларни
қўриқлаш қўшинлари
қўмондони

ИСЛОҲОТЛАР ОМИЛИ

Сўнги йилларда мамлакатимиз мудофаа қудратини мустаҳкамлаш, қўшинлар жанговар шайлигини ошириш, ҳарбий кадрларни тайёрлаш, мустаҳкам ижтимоий ҳимоя, ҳарбий хизматчиларни жисмонан ва маънан баркамол этиб тарбиялаш борасида кенг қамровли ишлар амалга оширилмоқда.

Хусусан, ҳарбий қисмларнинг инфратузилмасини янада яхшилаш, шахсий таркибни ҳар томонлама қулай, барча зарур шарт-шароитларга эга шинам хизмат хоналари билан таъминлаш мақсадида қўшинларда қурилиш ҳамда капитал таъмирлаш ишлари жадал суръатларда олиб борилмоқда.

Ана шундай эзгу ишлар рўёбини Мудофаа вазирлиги Тоифаланган объектларни қўриқлаш қўшинлари қўмондонлиги ҳарбий қисмлари миносида ҳам кўришимиз мумкин.

Яқинлашиб келаётган Ватан ҳимоячилари кунни арафасида қўмондонликнинг Қарши



шаҳрида жойлашган ҳарбий қисми шахсий таркиби учун фойдаланишга топширилган янги штаб биноси ҳарбийлар учун ҳақиқий байрам совғаси бўлди. Биноларнинг очилиш маросимида Тоифаланган объектларни қўриқлаш қўшинлари қўмондони полковник Журъат Якубов, Жануби-ғарбий махсус ҳарбий округ қўшинлари қўмондони полковник Зайнобиддин Иминов ва кенг жамоатчилик вакиллари иштирок этиб, йиғилганларни байрам билан қутладилар. Ҳарбий қисм жамоасига энгил автомобиль калити топширилгач, жанговар хизмат фаолиятида юқори натижаларга эришган бир гуруҳ ҳарбий хизматчилар рағбатлантирилди.

Рамзий ленталар кесилиб, меҳмонлар биноларни кўздан кечирар экан, шинам, ёруғ хиз-



Янги бино – ҳарбий хизматчиларга муносиб совға

мат хоналари, қўшинларни тезкор бошқариш учун мўлжалланган қўмондонлик штаб пункти фаолияти, ўзбек ва жаҳон адабиёти намуна-



лари, даврий нашрлар, электрон ҳамда аудио китоблар билан бойитилган кутубхона, маънавий-маърифий тайёргарлик хонаси, шунингдек, кўргазмали тарғибот-ташвиқот материаллари ҳамда буюк тарихий сиймоларимизнинг суратлари билан гўзал қиёфага кирган ҳарбий қисм ҳудуди алоҳида эътироф этилди.

Албатта, яратилаётган бундай шарт-шароитлар ҳарбий хизматчиларнинг жанговар-хизмат фаолиятини янада самарали олиб боришлари ва юқори натижаларга эришишларида дастурамал бўлиб хизмат қилади.

Капитан Фарида БОБОЖОНОВА,
Тоифаланган объектларни
қўриқлаш қўшинлари
қўмондонлиги матбуот хизмати бошлиғи

Марказий ҳарбий округда яна бир тантана

Ўзбекистон Республикаси Қуролли Кучлари ташкил этилганлигининг 29 йиллиги арафасида Марказий ҳарбий округнинг Жиззах вилоятидаги ҳарбий қисмида ҳарбий хизматчиларнинг фарзандлари учун янгидан барпо этилган 200 ўринга эга 2 қаватли замонавий мактабгача таълим ташкилоти тантанали равишда фойдаланишга топширилди.

Очилиш маросимида Марказий ҳарбий округ қўмондонлиги, жамоатчилик вакиллари, ҳарбий хизматчилар ва уларнинг оила аъзолари иштирок этди.



Тадбирда сўз олган округ қўшинлари қўмондони полковник Ойбек Саидов мактабгача таълим ташкилотининг фойдаланишга топширилиши ҳарбий хизматчиларнинг фарзандларини мактаб таълимига тайёрлаш даражасини тубдан яхшиланишига, таълим-тарбия жараёнига замонавий таълим

дастурлари ва технологияларини татбиқ этилишига, болаларни ҳар томонлама интеллектуал, ахлоқий, эстетик ва жисмоний ривожлантиришга хизмат қилишини таъкидлади.

Меҳмонлар бинони кўздан кечириш билан бирга, болажонларнинг рассомчилик, мусиқа,

рус ва инглиз тили каби машғулоти билан ҳам яқиндан танишишди.

200 нафар болажонларни ўз бағрига қамраб оладиган ушбу муассасанинг ётоқхона, ошхона, маданият зали, мусиқа ва ўқув хоналарида болажонларнинг таълим-тарбия олишлари учун барча шароитлар яратилган бўлиб, замонавий юмшоқ мебель ва ўйинчоқлар ҳамда ўқув қуроллари билан тўлиқ таъминланди.

Ушбу ташкилотнинг фойдаланишга топширилиши 22 нафар ҳарбий хизматчининг турмуш ўртоғининг иш билан таъминланишига замин яратди.

Лейтенант Отабек НОРБОЕВ,
Марказий ҳарбий округ
матбуот хизмати



180

ХОНАДОНДАГИ ҚУВОНЧ



Ҳарбий хизматчиларни уй-жой билан таъминлаш, уларнинг оила аъзоларини ҳар томонлама қўллаб-қувватлаш, яшаш шароитларини яхшилаш бугунги куннинг долзарб вазифаларидан бирига айланди. Зеро юрт тинчлиги, халқ осойишталиги учун жонини тиккан Ватан ўғлонларини қанча ардоқласак, шунча кам.

Ана шундай хайрли ишларнинг навбатдагиси Чирчиқ шаҳрида бўлиб ўтди. Саодат кўчаси бўйлаб қад ростлаган кўркам ва пишиқ кўп қаватли уйлар калитини қўлида тутиб турган ҳарбий хизматчилар ва уларнинг оила аъзолари қувончини тасаввур қилаверинг. Бу қувончли воқеа куйидагича бўлди.

Дастлаб ҳарбий оркестр ва бошқа санъаткорлар ижросидаги куй-қўшиқлар садоси остида оилалар янги уйлар ҳовлисига

йиғилди. Мезбонлар, таклиф этилган меҳмонлар жам бўлиш-гач, тантанали тадбир бошланди. Тошкент ҳарбий округи қўшинлари кўмондони полковник Зокиржон Сайфуддинов ва шаҳар ҳокимияти раҳбарияти вакиллари ҳар бир хонадон соҳибларига уй калитларини топширди. Таъкидлаш жоизки, уй калитларига қўшиб ҳарбийларимиз фарзандлари учун китоблар жамланмаси ҳам тақдим этилди. Янги уйлар юрт ўғлонлари ва улар оиласи учун

ҳақиқий байрам совғаси бўлди, дейиш мумкин.

– Шу кун, шу лаҳзаларгача бошимиздан жуда кўп қийин дамлар ўтди. Буни хўжайиним, мен ва фарзандларимиз яхши англаймиз. Шукурки, «дадамиз»

хизмат қилаётган она Ватан ҳам кўнглимиздан ўтаётган туйғуларни жуда яхши сезар ва қадрлар экан. Шу Ватан бизга бугун мана шундай кўркам ва чиройли уй берди. Бундан бениҳоя шодман, – дейди подполковник Илҳом



Муаллиф суратга олган



Шойимовнинг турмуш ўртоғи Насиба Шойимова.

Насиба опанинг бу қувончи шу куни Чирчиқ шаҳрининг Саодат кўчасидаги 6 та уйдан ўрин олган 180 хонадонда турлича кўринишда бўй кўрсатди.

**Лейтенант
Исломжон ҚўЧҚОРОВ,
«Vatanparvar»**

КЕЛИНГ, КИТОБ ЎҚИЙМИЗ

«Энди, Ватаним мени суймас экан, мен уни севганлигимдан, улусим мени танимас экан, мен уни таниганлигимдан, Ватан устида бўлаётган тарихий ўзгаришларни ва ҳам бунинг келажакдаги яхши-ёмон натижаларини кўрсатиб, Ватан болаларига улгу бўлгудек, бошқалар бундан ибрат олгудек тарихий бир асар ёзишга киришдим. Бироқ мен ёлғизгина исломпараст эмас эдим, балки яралишимдаёқ инсонпараст эдим. Халққа қайси йўллик яхшилик қила олғайман деб, ёшлик-йигитлик даврларимни ғам-ғусса кунлари билан ўтказдим. Энди эса соч-соқолим оқариб, қарилгим етди. Ёшим саксонга эришиб, ички-ташқи кучларим орқага чекинди, қариллик юкки остида букула туриб, олдимизда кўрина бошлаган ҳалокат чуқури яқинлашаётганига чидаёлмай, келажак бўғин насларимиз ғамхўрлиги учун, ҳар ёқлама қийинчиликлар бўлса ҳам, шу тарихни ёзишга бошладим. Қаламим тилидан дардлик сўзларим қонлик кўз ёшима қўшилиб, бу китоб варақлари юзига тўкилмиш эди. Шунинг учун бунинг отини «ТУРКИСТОН ҚАЙҒУСИ» қўйдим».

Ҳа, яқин тарихимизда шундай буюк ватанпарвар ўтган эди. «Қаламим тилидан дардлик сўзларим қонлик кўз ёшима қўшилиб, бу китоб варақлари юзига тўкилмиш эди...» дея ўртанган улғу қалбли инсонни Алихонтўра Соғуний дердилар. Зеро, Ватан қайғусидан чўнғроқ қайғу йўқдир.

Азиз ўқувчи, сиз «Шерюрак» бадий фильмининг жуда яхши эслайсиз. Чунки бу фильм катта-ю кичикнинг бирдек муҳаббатини қозонган. Жасорат, мардлик, муҳаббат, ватанпарварлик, илм, заковат, олижаноблик эр кишининг кўркидир. Ҳар бир эркак буларнинг барчасига соҳиб бўлишни хоҳлайди. Аммо буларнинг бари бир инсонда бўлиши камдан кам учрайди. Улғу бобокалонимиз Алихонтўра Соғунийда бундан ҳам кўпроқ фазилатлар мужассам эди.

Мен машҳур фильмининг бежиз келтирмадим. Миллатимизнинг катта-кичиги бирдек мафтун бўлган бу фильм қахрамони билан Алихонтўра Соғунийни таққослаш фикридан йироқман. Айтмоқчи бўлганим бобокалонимизнинг даражаси бу каби

ҚОНЛИ КЎЗЁШ-ЛА БИТИЛГАН АСАР



рати остида ёзиш учун жасоратнинг ўзи камлик қилади. Ўзи дегани каби инсонпараст эди, Ватан, миллат қайғуси, манфаати кўрқувдан, ҳар нарсадан устун эди.

Бугун она тилимиз ҳам муҳофаза, ҳимояталабдир. Ҳали ҳам орамизда мустабид тузумни орзумандлик, «ташналик» билан хотирловчилар мавжуд. Бу, айниқса, ижтимоий тармоқлардаги тутуруқсиз даъволарда яққолроқ кўринади. Бунга жавобни «Туркистон қайғуси»дан топиш мумкин.

Ўқиймиз: «Ҳозирги ўқимишлик, тушунган Ватан болаларимиз, агар миллий ҳислик бўлмас эканлар, улардан бизга, яъни ўз халқига фойда етиши ҳеч вақт мумкин эмасдир. Балки болта сопини ўзимиздан чиқаргандек, ёв қўлида туб илдизимиз билан кесиб қуритишга қурол бўладилар. У ҳолда

тилидан ажрамоқлик, миллий ҳиссиётларини йўқотиш натижасидир. Бу иш эса инсоният олами олдига улғу хиёнат, кечирилмас жиноят ҳисобланади. Бундай бўлди демак, улғу Туркистон улуси – Турон насли босқинчилар тилагича, қурбон бўлган ҳолда инқирозга учраб, Аллоҳ сақласин, тарих саҳифаларидаги шон-шарафлик ном-нишонлари ўчирилади демакдир».

Мана, нима учун тилга эътибор берилиши керак! Бугун она тилимизнинг ҳолати жуда мақтанарли эмас. Ижтимоий тармоқларда унинг кадр-қимматини туширишга бўлган интилишларнинг ҳам гувоҳи бўляпмиз.

Алихонтўра Соғуний Қуръон ҳақида қимматли фикрлар билдиради.

Ўқиймиз: «...Қуръон ҳукмлари, асосан, уч ишга тўхталмиш:

1 – иттифоқлик;

2 – замонавий илм-хунарни ўрга-



ниб, ҳар ишнинг сабабларини имконият борича тўлиқлаш;

3 – душман қаршисига ўлимдан кўрқмаслик.

Мана, шу уч нарсага ҳаёт оламида ҳар ким эга бўлар экан, ўз Ватанларини, бутун инсоний ҳуқуқларини босқинчи душманлар ҳужумларидан, албатта, сақлай оладилар».

Унинг ўзида мана шу уч нарса мужассам эди. Алихонтўра Соғуний «Туркистон қайғуси» асарида Ўрта Осиёнинг истило қилиниши, уч хонлиқни таназзулга олиб келган хурофот, жоҳилият ҳақида тўхталган.

Бу китобдан олган таассуротларимиз айтган билан тугамас. Унда Шодмон ботир ҳақида бир-биридан қизиқарли воқеалар битилган. Ботирнинг ким эканлиги билан қизиққан киши, албатта, бу китобни қўлига олишига ишонаман. Чунки энг гўзал қиссалар, ҳикоя, ҳикматлар ботирлар ҳақидадир.

Шодмон ботир ҳақидаги айрим парчаларни келтирамиз: «Шу юрганича эргашган томошачи кишилар биргалигида кўпчилик халқ ўрашиб олгон қалин читрғанақ яқинига келганида: «Ҳай жонивор, сен – ҳайвондан чиққан йўлбарс бўлсанг, мен инсондан туғилган арслонмен!», деб яроқлаган яланг қиличи билан онинг устига отилмиш экан, ботир ҳужумига йўлбарс чидаёлмай, ётган еридан қочиб чиқаётганида иниси Момут отган ўқдан қаттиқ яраланмиш

эди. Буни кўргач: «Ҳай, энди ёғий яраланди, яраланган ёвни хотин олғай» – деб уйига қайтмишдур».

Яна бир воқеа шундай бўлибди: «Ҳаж сафарига кетаётганида мазорларни зиёрат қилмоқчи бўлиб, Самарқандга тушмуш экан. Амир Темури қабрига кирганида қараса, саёҳат учун келган рус зобит (офицер)ларидан бирови Темури султон қабрига оёғини тираб хат ёзаётганини кўрибдур. Буни кўргач баҳодурлиги кўзғалиб: Ҳай, Путинг кесилгур жунбош, эр қадрини билмаган, торт оёғингни!», деб ҳайқирган экан, кўрққанидан сапчиб туриб, кечирим сўрамишдур».

Китобда «Темури тузуклари» ҳақида ҳам сўз боради. Биласизки, тузуклар таржимони ҳам Алихонтўра Соғунийнинг ўзидир. Биз айнан шу улғу инсон орқали «Темури тузуклари» асли туркий тилда ёзилганини билдик. «Бу «олтин китоб» ўз замонасига кўра, сиёсий, ҳарбий ясоқлар қонунномаси бўлганлиқдан, Темури шаҳзодалари уни қизғанишиб, ёшириб сақламиш эдилар. Тахт талашган шайбонийлар темурийларни енггандан кейин, мирза Бобур падшоҳлиқдан ажраб, хазиналарини ташлаб қочган бўлса ҳам, унга раҳматлар бўлсин, бу китобни у душман қўлида қолдирмай олиб кетмиш экан.

...Бу гавҳар китоб илк вақтида ёширин сақланиб, сўнги кунлари эса форсча бўлиб қолгани учун, шу кунларгача ўз улуси, ўз меросхўрлари ундан фойдаланиши буён турсин, балки, Темурининг бундай китоб ёзганлигини, баъзи тарихчилардан бошқа, ҳеч ким билмаган эди. Мана шундан фойдаланган душманлар ва ҳам уларнинг ялоқчилари бу жаҳон қахрамони ҳақида ҳар турлик ақлдан ташқари ноҳақ тўхмат сўзлар ёзиб, матбуот орқали бутун халқ ичига тарқатмиш эдилар. Ўз тарихини танимаганликдан буларга кўзилганлар орасида ўз шарафини билмаган, олимсифат ерлик аҳмоқлар ҳам оз эмас эди».

Аччиқ ҳақиқат... Ахир биз ҳам тарих дарсликларидан буюк бобомиз соҳибқирон Амир Темури «қонхўр жаллод» деб ўрганган эдик. Тарих дарсликларини орасида ажратилган бир парчагина ҳам мамлакатимиз, муқаддас заминимизга бағишланган ёлғон-яшиқлардан иборат бўлган экан. Афсус.

«Туркистон қайғуси» ҳақида бу саҳифаимизда батафсил тўхталиш имконсиз. Бу асарни ўқиш керак. Китоб қимматини таърифлашга ожизман. Тарихий илмий асарларга манба бўлишга арзирли, ҳар турли олди-қочди, бир ёқлама фикрлардан йироқ асар.

Мақсадингиз ўзингиз каби юрт ҳимояси, юрт тақдирини ўз тақдири деб биладиган фарзандлар тарбиялаш бўлса, бу китобни, албатта, ўқишингиз лозим.



Инобат ИБРОҲИМОВА,
«Vatanparvar»



Бадий китобос

Инсонлар ақл билан мумтоздирлар. Агар ақл бўлмаганида, ҳиссиётлар одамнинг тинка-мадорини қуритган бўларди. Ақл – саховат эшиқлари ва саодат хазиналарининг калитидир.

Тоҳир Малиқнинг «Саодат саройининг калити» асаридан.

қахрамонлардан аанча баланд, юксакдир!

Сизга ўқишни тавсия этаётганимиз «Туркистон қайғуси» китоби 1966 – 1973 йилларда Тошкентда ёзилган. Бу давр сиёсатини катта авлод жуда яхши эслайди. Совет тузуми гуркираб ривожланаётган бир даврда бу каби китобнинг битилиши муаллифдан нечоғли улкан жасорат талаб этишини ўқиб чиққач, англайсиз.

У шундай ёзади: «...Инсоният оламнинг офати, куфр-нифоқ маданиятининг заҳарлик меваси ҳисобланган коммунистлар бозори қандай ерда қизиди? Сўзга тушунмаган, ҳеч нарса билмаган, айниқса, йўқсиллик-камбағалликда яшаётган гумроҳ, Ватан, миллат нима эканлигини билмайдиган онгсиз нодонлар кўп бўлса, мана шулар ичидагина ривожланиб, тездан ишлари авж олди».

Кўзга кўринган не бир истеъдодлар жон-жаҳди билан мустабид совет тузумини шарафлаб ётган бир паллада бундай сўзларни ёзиш, яна кўринмас нигоҳларнинг қаттиқ назо-

эса ўзларидан умид этилган Ватан ўғилларининг қўллари билан Ватан аҳллари кўмишга чуқур қазилади демакдир».

Ҳа, бу сўзлар эскирмасдир. Бу бизни ҳар вақт ҳушёр бўлишга ундаб тургувчи даъватдир.

Яна ўқиймиз: «...Миллий ҳокимиятимиздан ҳозирча ажраб турган бўлсак ҳам, миллий ҳиссиётимиздан ажрамай, уни сақлай олсак, келажакда душманларга ютилишдан ўзимизни қутқара оламиз. Энди бу мақсадга етиш учун қўйилган масалаларнинг энг биринчи шарт тил масаласидир. Агар биз тил-адабиётимизни кенгайтириб, унинг кадр-қимматини ошириб, бошқа маданий тиллар даражасига етқизур эканмиз, мана бу чоғда миллатимиз, миллий ҳиссиётларимиз доимий равишда ўсиб сақланғусидир. Агар бундай бўлмай, балки, аксинча, ўз она тили қадрига етмасдан унга аҳамият бермас эканлар, у чоғда кўп узоқламаёқ алвидо айтиб, ўз тилларидан абадий ажраган бўладилар. Шундоқ бўлиб ўз она



Беш юз йил наридан боқиб турибди, Нурли бу юзларга нуроний бир зот...



Улуғ мутафаккир, сўз мулкининг султони Алишер Навоийнинг бой маънавий мероси асрлар оша бутун башарият оламини ҳайратга солиб, инсонлар қалбига, онгу шуурига эзгулик, вафо, ғўзал хулқ, саҳийлик, инсонпарварлик, саховат, меҳр-мурувват зиёсини таратиб келмоқда. Мир Алишер Навоийнинг шоир ва давлат арбоби сифатида ўзбек миллий давлатчилиги, адабиёт, маънавият ва маърифат, тилшунослик фанлари равнақига қўшиган ҳиссаси беқиёсдир.

Бутун турк дунёси Алишер Навоийни «Шамс ул-миллат» – миллат кўёши, деб ҳамма даврларда эъзоз билан тилга олади. Бутун умрини туркий тил мавқеини кўтариш, туркий адабиёт имкониятларини дунёга тан олдириш, туркий давлатчилик асосларини мустаҳкамлашга, жамиятда ҳақиқат ва адолат мезонларини қарор топтиришга бағишлаган бобокалонимиз бу эътирофга тўла-тўқис муносиб ва ҳақлидир.

Алишер Навоий 1441 йил 9 февралда Хуросон ўлкасининг пойтахти Ҳиротда туғилди. Замондошлари уни «Низомиддин мир Алишер» деб улуғлаганлар. «Низомиддин» – дин низоми деганидир. Кўпинча, мансаб эгаларига нисбатан айтилган «мир» – амир демакдир. Чунки у Ҳусайн Бойқаро саройидаги энг нуфузли амир бўлган. Алишер болаликдан маърифатли ва зиёли оила муҳитида тарбия топди. Навоийнинг отаси Ғиёсиддин Муҳаммад теурийларга яқин амалдорлардан бўлиб, ўз даврининг обрўли ва маърифатли кишиларидан саналган. Адабиётшунос олим Давлатшоҳ Самарқандийнинг ёзишича, у ўғли Алишернинг тарбиясига ғоят эътибор қаратиб, келажакда фазилатли одам бўлиб етишмоғи учун астойдил ҳаракат қилган. Онаси Қобул амирзодаларидан Шайх Абусаид Чангнинг кизи бўлган. Бўлажак шоирнинг тоғалари Мир Саид Кобулий яхши шоир, Муҳаммад Али Ғарибий шоир, созанда ва хаттот эдилар.

Алишер оилада учинчи фарзанд бўлиб, мактабда бўлажак султон Ҳусайн Бойқаро билан бирга ўқиди. У ерда савод чиқарди, шеър ўқиш ва ёд олиш, шеър битишга болаликдан ҳавас уйғонди. Кичик мактаб ёшида форс шоири Фаридидин Анторнинг катта ёшдагилар ҳам тушуниши қийин бўлган «Мантик ут-тайр» достонини форс тилида ўқиб, ҳам ўқиб ёд олгани унинг ёшлик истеъдодининг муҳим қирраларидан эди.

1447 йилда подшоҳ Шохрух Мирзо вафот этиб, пойтахт Ҳирот нотинч бўлиб қолади. Алишерлар оиласи Ироққа кўчиб кетади. Йўлда Тафт шаҳрида Алишер машҳур тарихчи Шарафиддин Али Яздий билан учрашади, тийрак ва ақлли болакайнинг

зукколигидан мамнун бўлган кекса олим унинг ҳаққига дуолар қилади.

1451 йилда Алишерлар хонадони Ҳиротга қайтади. Кўп ўтмай, тахтга Абулқосим Бобур Мирзо ўтиради. Алишернинг отаси Ғиёсиддин Муҳаммад Сабзаворга ҳоким қилиб тайинланади. Алишер эса, ўқишни давом эттиради.

1453 йилда Алишернинг отаси Ғиёсиддин Муҳаммад вафот этди. Алишер Абулқосим Бобур хизматида кирди. Аввал Сабзаворда, сўнг Машҳадда яшади. Икки мактабдош дўст – Ҳусайн ва Алишер яна бирга бўлдилар. Бу йиллар ҳам ёш Алишер учун ўқиш ва билим эгаллаш йиллари бўлди.

Шеърга бўлган меҳр Алишерни ижодга ундади. У 7-8 ёшларидан шеър ёза бошлади. Ўзбекча шеърларига «Навоий», форсча шеърларига «Фоний» тахаллусини қўйди.

Ўсмирлик даврларида Алишер ўқишда ва ёзишда тиним билмас, шеър мутолаасидан чарчамас эди. «Муҳокамат ул-луғатайн» асарида ўзининг ёшлик чоғида машҳур ўзбек ва форс шоирлари назмидан 50 минг байт шеърни ёд билганини сўзлайди. Болалик вақтларидаёқ ўз даврининг Амир Шохий, Лutfий, Камол Турбатий каби шоирлари билан яқиндан алоқада бўлди. Отаси вафотидан сўнг ёш Алишерга таниқли илм ва адабиёт, санъат арбобларидан Саййид Ҳасан Ардашер, Паҳлавон Муҳаммад кабилар устозлик қилдилар. Сабзаворлик олим ва шоир Дарвеш Мансурдан аруз бўйича таълим олди.

1457 йилда Абулқосим Бобур Мирзо вафот этди. Унинг ўрнини Абусаид Мирзо эгаллади. Ҳусайн Бойқаро тахт учун курашга шўнғиб кетди. Навоий эса Машҳад мадрасаларида ўқишни давом эттирди. 1464 йилда Ҳиротга қайтиб келган шоир ҳаётида нохушликлар бошланди. Абусаид Мирзо тахтга даъвогар Ҳусайн Бойқаронинг яқин кишиларини таъқиб остига олади. Алишернинг ота мулкини мусодара қилади, тоғалари Кобулий ва Ғарибийларни қатл эттиради.

Навоий 1460 йилларнинг иккинчи ярмида Самарқандда яшади. Соҳибқирон Амир Темур пойтахт қилган бу кўҳна шаҳар унинг ҳаётида ўчмас из қолдирди. Бу ерда ўз даврининг етук олимларидан, хусусан, шу кунгача асарлари Ислом оламида мўътабар саналиб келадиган Фазлulloҳ Абулайс Самарқандийдек алломадан сабоқ олди. Кейинчалик бу шаҳарни ўз асарларида «фирдавсмонанд» (жаннатмисол) деб таъриф этди. Бу ерда шоир сифатида жуда катта шухрат топа борди. Бир девонга етиб ортадиган асарлари бўлишига қарамай, камтарлик туфайли бўлса керак, ўзи тартиб бермаганлиги учун 1465 – 1466 йилларда унинг мухлислари шеърларини тўплаб, «Девон» туздилар. Бу китоб бугунги кунда шартли равишда «Илк девон» деб номланади.

1469 йилда Ҳирот тахтига Ҳусайн

Бойқаро чиқади ва Самарқандга хат йўллаб, Алишер Навоийни ўз ёнига чақириб олади. Давлат ишларига жалб этади, аввал муҳрдор, сўнг вазир қилиб тайинлайди. 1469 йил 14 апрель куни, Рамазон ҳайити билан уюштирилган қабул маросимида Алишер Навоий Ҳусайн Бойқарога янги ёзган «Ҳилолия» қасидасини тақдим этади. 1487 – 1488 йилларда Астрободга ҳокимлик қилди. Ҳусайн Бойқаро ҳокимият ишларида Навоийнинг ақл ва садоқатига таяниб иш кўрди. Унинг қаршилигига қарамасдан, шоирни юқори мартабаларга тайинлади. Буюк шоир «амири кабир», «амир ул-муқарраб» унвонларига мушарраф бўлди. Унинг вазирлик йиллари Ҳиротда ободонлик ишлари авж олган, маданият гуллаб-яшнаган, адолат ва ҳақиқат туғи баланд кўтарилган давр бўлди.

Тарихчи Хондамирнинг «Мақорим ул-ахлоқ» асарида ёзилишича, Навоий уч марта ҳажга отланади, аммо Ҳусайн Бойқаро ва ўғиллари ўртасидаги ихтилофлар туфайли муқаддас сафар ҳар гал ортага сурилаверди. Бутун қалби билан Каъбага интилса-да, шоҳ ва шаҳзодалар ўртасидаги тахт талашилар мамлакатнинг сиёсий яхлитлигига зарба бериб, элни қонга ботириши, навқирон йигитларни тутдек тўқишни ўйлаб Навоий энг катта орзусини қўрбон қилади. Бундай фидойилиқдан ташқари, Навоий 1480 йиллар давомида ўз маблаглари ҳисобидан Ҳиротда ва мамлакатнинг бошқа шаҳарларида бир неча мадраса, 40 та работ, 17 та масжид, 10 та хонақоҳ, 9 та ҳаммом, 9 та кўприк, 20 га яқин ҳовуз қурган ёки таъмирлаттирган.

Давлат ишлари билан бир қаторда ўзининг севимли машғулоти – бадий ижодни ҳам тўхтатмади. 1472 – 1476 йилларда «Бадое ул-бидоя» («Бадиийлик ибтидоси»), 1476 – 1483 йилларда «Наводир ун-ниҳоя» («Туганмас нодирликлар») номлари билан икки девон тузди. 1481 – 1482 йилларда «Чихл ҳадис» («Қирқ ҳадис» ёки «Арбаин») асарини ёзади.

1483 йилда туркий тилда биринчи бўлиб «Хамса» ёзишга киришди ва мисли кўрилмаган қисқа муддат – икки йилда беш йирик дostonдан иборат асарни («Ҳайрат ул-аброр», «Фарҳод ва Ширин», «Лайли ва Мажнун», «Сабъаи сайёр», «Садди Искандарий») ёзиб тугатди. Илм ва ижод аҳли бу воқеани зўр шодликлар билан қарши олди. Абдурахмон Жомий Навоий «Хамса»сига юксак баҳо берди. Ҳусайн Бойқаро буюк шоирни ўзининг оқ отига миндириб, унга жиловдорлик қилиб, Ҳирот кўчаларини айланттирди. Бу инсоният тарихида камдан кам учрайдиган ҳодиса эди: қудратли давлатнинг шавкатли подшоҳи бир шоирга жиловдорлик қилса. Мазкур ҳодиса айни пайтда Ҳусайн Бойқаронинг маънан юксак, маърифатли ва ҳақиқатпеша ҳукмдор бўлганлигининг далилидир. Навоий «Ҳайрат ул-аброр» достонига бежиз уни Шох Ғозий дея улуғламаган эди.

1488 – 1493 йиллар шоир учун айрилик, оғир жудолик йиллари бўлди. Дўстлари, устозларидан Саййид Ҳасан Ардашер (1488 йил), Абдурахмон Жомий (1492 йил), Паҳлавон Муҳаммад (1493 йил) кетма-кет вафот этдилар. Навоий уларнинг хотирасига бағишлаб, учта мемуар – эсдаликлардан иборат насрий асарлар яратди. Навоий

фаннинг бир неча соҳаларида қалам тебратиб, забардаст олим эканлигини ҳам исбот этди. Утмиш мавзусида «Тарихи мулуки аҷам», «Тарихи анбиё ва ҳукамо» асарларини ёзган. Туркий адабиётшуносликда ҳам унинг алоҳида ўрни бор. Арузга доир «Мезон ул-авзон», тазкирачиликка оид «Мажолис ун-нафоис» каби асарлар яратди. Булар ўзбек (турк) тилида шу соҳалардаги биринчи асарлар эди. Буюк шоир тилшунослик билан ҳам қизиқди. Луғатшуносликка оид «Сабъату абхур» («Етти денгиз») номли китоб ёзди. Айниқса, «Муҳокамат ул-луғатайн» («Икки тил муҳокамаси») асарида турк (ўзбек) ва форс тилларини солиштириб, ўз она тилининг туганмас имкониятларини илмий асослаб берди.

Навоий 1490 йилларда адабиётимиз тарихидаги яна бир катта ҳодиса – «Хазойин ул-маоний» («Маънолар хазинаси») мажмуасини тузди. Тўрт девондан иборат бўлган бу улкан шеъррий тўплам шоирнинг туркий тилда ёзган деярли барча лирик шеърларини қамраб олган эди. Шунингдек, форс тилини мукамал билган ва унда ҳам баракали ижод қилган шоир бу тилда ёзган шеърларини тўплаб «Девони Фоний»ни тузди.

Буюк мутафаккир умрининг охирига қадар илм-у ижод билан қизгин ва самарали шуғулланди. Шарқда ўтган машҳур шайхлар, сўфийлар ҳаёти ҳақида маълумот берувчи «Насойим ул-муҳаббат» асарини ёзиб тугатди. Сўнг умр бўйи хаёлини банд этган «Лисон ут-тайр»ни қоғозга туширди. Бошқалар билан олиб борган ёзишмалари – хатларини тўплаб «Муншаот» тузди. 1500 йилда буюк мутафаккирнинг яхшилик ва ёмонлик ҳақидаги қарашларини ўзида ифодалаган «Маҳбуб ул-қулуб» асари тайёр бўлди. Бу буюк адибнинг ҳаёти ва ижодидаги энг сўнги асари эди.

Алишер Навоий 1501 йилнинг 3 январида 60 ёшда вафот этди.

Қайд этиш лозимки, ҳазрат Навоийнинг бой ва серқирра ижоди фақат ўзбек адабиётидагина эмас, балки жаҳон адабиётида ҳам салмоқли ўринга эга. Навоий лирик, эпик ва фалсафий асарлари билан XV аср адабиётида чуқур из қолдирди. Улуғ шоирнинг асарлари ҳаётлик давридаёқ Хитойдан тортиб, Кичик Осиёгача етиб борди ва ҳозирда ҳам бутун дунё халқлари томонидан севиб ўқилмоқда.

Навоий ижодига назар ташласак, шеърятнинг 16 хил жанрида ижод қилганлигини билиб оламиз: ғазал, рубоий, туюк, фард, қитъа, мухаммас, мусаддас, мусаллам ва ҳоказо. Бу каби жанрларда ҳеч бир шоир Навоийдек ижод қилганлигини учратолмаймиз.



Улуғ бобомиз шеър ёзишда фақатгина ўзбек тили имкониятлари билан чегараланиб қолмаган, ўрни келганда бошқа тиллардан ҳам унумли фойдаланган. Ўзбекистон халқ ёзувчиси Ўткир Ҳошимов бу борада кўйидагиларни қайд этади: «Олимлар ҳисоблаб чиқишган. Пушкин ўз асарларида 21 минг 197 та бетакрор сўз ишлатган, Шекспир салкам 20 мингта, Сервантес 18 мингтага яқин. Алишер Навоий эса 1 миллион 378 минг 660 сўз, шу жумладан, 26 мингта бетакрор сўз ишлатган. Боиси, буюк бобомиз фақат туркий эмас, форсий, арабий, урду, хитой, мўғул ва бошқа тиллардаги сўзлардан ҳам маҳорат билан фойдаланган».

Далиллардан кўриниб турибдики, Навоийнинг сўз захираси ниҳоятда улкан бўлган. Ҳазрат ишлатган сўз ўйинлари кўлами ҳам беқиёсдир. Негаки, ҳазрат Навоий шеърни шунчаки бирор нарсани баён қилиш эмас, балки мўъжиза кўрсатиш, дея эътироф этганлар.

Навоий нафақат шоир, таржимон, тилшунос олим, балки давлат арбоби сифатида ҳам тарихда катта из қолдирган. Ана шунинг учун ҳам унинг кўп рубоийлари, достонлари халқни қай йўсинда бахтли-саодатли қилмоқ мумкин, саволига жавоб тариқасида ёзилгандир.

Алишер Навоий яшаган даврдан буён беш асрдан кўпроқ вақт ўтди. Мовароуннахр тупроғи не-не босқинларга, тожу тахт учун қонли курашларга саҳна ва жанг майдони бўлди. Аммо шоир ижодининг қиммати асло пасаймади. Ҳар авлод ундан ўзи учун нимадир топди. Навоий асарлари халқимиз учун маънавий қувват ва ўқсалиш манбаи бўлди, унинг шахсияти ва ижодини тадқиқ этиш XV асрдан ҳозирга қадар олимлар, шоирлар, таржимонлар, котиблар, наққош ва мусаввирлар диққат марказидаги масалалардан бири бўлган.

Навоий ҳақиқий миллатпарвар шоир сифатида ўзбек тили ва адабиётимизнинг нечоғлик бой, ранг-баранглиги ва чексиз имкониятларини бутун ижоди ва серкирра фаолияти билан исботлаб, унинг нуфузини жаҳон миқёсига олиб чиқди.

Шу маънода сўнгги йилларда Алишер Навоийнинг бой ва серкирра ижодий меросини ҳар томонлама чуқур ўрганиш, унинг ўлмас асарларини юртимизда ва хорижий мамлакатларда кенг тарғиб қилиш ҳамда хотирасини абадийлаштириш борасида улкан ишлар амалга оширилмоқда.

2016 йил Алишер Навоий номидаги Тошкент давлат ўзбек тили ва адабиёти университетини ташкил этилгани, юртимизда ҳамда бир қатор хорижий давлатларда Навоийнинг ҳайкаллари ўрнатилгани, асарлар тўплами тўлиқ нашрдан чиқарилгани, пойтахтимиз марказидаги улуғ бобомизнинг муазам мезморий ёдгорлигига мутаносиб равишда «Адиблар хиёбони» бунёд этилгани маданий ва маънавий ҳаётимиздаги улкан тарихий воқеаларга айланди.

Ўзбекистон Республикаси Президентини томонидан улуғ шоир ва мутафаккирнинг адабий-илмий меросини мамлакатимизда ва халқаро миқёсда янада чуқур тадқиқ қилиш ва кенг тарғиб этиш мақсадида 2020 йил 19 октябрь кўни имзоланган «Буюк шоир ва мутафаккир Алишер Навоий таваллудининг 580 йиллигини кенг нишонлаш тўғрисида»ги қарори ўз вақтида қабул қилинган билан катта аҳамиятга эгадир.

Қарорга мувофиқ, 2021 йилда буюк шоир ва мутафаккир Алишер Навоий таваллудининг 580 йиллиги кенг нишонланади. Боиси қарор билан бу санани нишонлаш бўйича амалга ошириладиган чора-тадбирлар дастури тасдиқланди.

Қарорда белгиланганидек, Маданият вазирлиги Ташқи ишлар вазирлиги, Фанлар академияси, Давлат божхона қўмитаси билан ҳамкорликда хорижий давлатларда сақланаётган Алишер Навоий қаламига мансуб ва у яшаган даврга оид қўлёзмаларнинг факсимиле нусхаларини мамлакатимизга олиб келиш чораларини кўради.

Фанлар академияси Олий ва ўрта махсус таълим вазирлиги билан биргаликда 2021 йил давомида Алишер Навоийнинг қўлёзмалари асосида шоир асарларининг мукамал илмий нашрини яратиш ишларини амалга оширади. Қолаверса, Алишер Навоий ижодий меросининг шарҳини яратиш ишларини якунига етказиб, уларни «Навоий ва ёшлар» махсус дастурида жойлаштириш учун Ёшлар ишлари агентлигига тақдим этади.

Президент қарори билан «Алишер Навоий» номидаги орденнинг таъсис этилаётгани яна бир қувончли воқеа бўлди. Мазкур орден билан Навоийнинг ижодини чуқур ўрганиш, оммалаштиришга улкан ҳисса қўшган юртдошларимиз ва хорижликлар, илмий ва ижодий муассасалар мукофотланади.

Шунингдек, мазкур қарорда Алишер Навоий асарларини узлуксиз ўқитиш концепциясини ишлаб чиқиш ҳамда 2021/2022 ўқув йилидан барча таълим муассасаларида шу асосда ўқитишни йўлга қўйиш, Ўзбекистон миллий кутубхонасида Навоий асарлари ҳамда навоийшунослик бўйича қилинган тадқиқотларнинг электрон платформасини яратиш ҳам белгиланган. Бундай чоралар халқимизни Навоий ижодига яқинлаштиради. 2021 йилда Тошкент шаҳрида Алишер Навоий номидаги ижод мактабининг ташкил этилиши ёшларнинг муносиб издош, халқ хизматида камарбаста инсонлар бўлиб етишишига замин ҳозирлайди.

Алишер Навоийнинг мақбараси Афғонистоннинг Ҳирот шаҳрида. Ушбу мамлакатдаги нотинчлик сабаб ҳазратнинг қабрини зиёрат қилолмаслигимиз ачинарлидир. Президентимизнинг қароридан эса ҳазратнинг мақбарасини обод этиш ташаббуси илгари сурилди. Яъни, Навоий мақбарасини ободонлаштириш имконияти ўрганилади, кейинчалик у ер обод қилинади.

Умуман олганда, қарорда сўз мулкнинг султони Алишер Навоийнинг бой адабий меросини ўрганиш ва тарғиб этишни кенг йўлга қўйиш, ўқувчи ёшлар қалби ва онгига Навоий асарларининг мазмун-моҳиятини, аҳамиятини чуқур сингдириш каби муҳим масалалар ўз ифодасини топган. Шундай экан, белгиланган вазифалар ижросини таъминлаш, улуғ шоирнинг адабий-илмий меросини мамлакатимизда ва халқаро миқёсда кенг тарғиб этишда фаол ва ташаббускор бўлишимиз талаб этилади.

Бир сўз билан айтганда, буюк аждодимизнинг инсоният, жамият олдидаги буюк хизматлари нафақат ўша давр билан боғлиқ, балки бугун ҳам, келажакда ҳам эл-юртга наф келтиришни олий саодат деб билганини комил инсон, халқпарварлик, миллатлараро дўстлик, тинчлик ва осойишталик тараннум этилган асарлари орқали ҳам яхши биламиз. Шундай экан, юртимизда фаолият олиб бораётган турли соҳа вакиллари билан бир қаторда давлат ҳарбий ташкилотларида хизмат қилаётган биз ҳарбийларнинг ҳам ҳазрат мир Алишер Навоий асарларини қўлдан қўймай, ўқиб ўрганишимиз ҳам фарз, ҳам қарз ҳисобланади.

Қаҳрамон КАМОЛОВ,
Мудофаа саноати бўйича
давлат қўмитаси
раисининг маслаҳатчиси

САФАР ТААССУРОТЛАРИ



ВОЛГА БЎЙИДА БАХМАЛ ХАЁЛИ

Болалигимдан денгизни яхши кўраман. Лекин она Ватанимни ундан кўпроқ севишимни кейин билдим. Ўзим орзу қилганимдек, қирғоғи кўринмайдиган дарё бўйидаман. Сув жимирлаб, кўнгилни сурурлантиради. Меҳмонхонанинг деразасидан Волга дарёси кўриниб туриши яна ҳам ёқимли.

Эрта тонгда туриб, дарё бўйини айландим. Топ-тоза ҳаводан сипқориб нафас оларканман, Бахмал тоғларини қўмсаётганимни сезиб қолдим. Қоялар устида қишлоқни томоша қилиш, ота ўйни топиш қанчалар мароқли!? Дунёбехабар коптокнинг ортидан чопишлар, хаёлан «ниндзя»га айланишлар, камон ясаб, ҳинд фильмларига тақлидан нишонга олишлар, футбол чоғи бехосдан жанжалларга сабаб бўлиш, қор ўйнаш, муз қоплаган қирда тойиш...

Кейин улғайиб қолдик. Тўғрироғи, мажбур бўлдик. Болалик бизни тарк этаётганди. Кейин ўзим қишлоғимни тарк этишимга тўғри келди. Мусофир бўлиб юрганимга 20 йилдан ошибди. Ҳар гал уйга борсам, ризқимиз сабаби бўлган беш панжали булоққа бориб, зиёрат қиламан. Зилол сувидан қониб-қониб ичаман. Қайтиб шу ерларга келганимга шуқур қиламан.

Карантин бўлиб, уйдан чиқиш тақиқланган, бошқалар ишга бормаётган бир паллада Халқаро армия ўйинларини ёритиш учун Россия Федерациясига хизмат сафарига борадиган бўлдик. Самолёт кўзғалиб, замин булутлар ортидан кўрина бошлагандан кейин, тақдирнинг тақозосини англадим.

Ҳар бир инсоннинг яқинлари юрак ҳовучлаб қолганини яширишга ҳожат йўқ. Коронавирус хавфи, ҳамма бир-бирдан ҳадиксираган. Самолётда жамланган ҳарбий хизматчиларни ягона мақсад – ғалаба билан қайтиш фикри бирлаштирарди.

У ерда бир оиладек бўлиб қолдик. Катталарнинг дашноми ҳам меҳрли. Бизни ўйлаб қойишади. Икки-уч кун ўтмай, яқинларни соғина бошладим. Ҳафтада бир гаплашиб, гаплашмайдиган қариндошларни ҳол-жонига қўймайман: ёзинглар, расм юборинглар...

Эрта туриб, югуришга чиқамиз. Ўзбек йигит-қизларини кўрсак, севинаямиз. Мусофир юрган партадош синфдошим билан кўришдик. Бирга шаҳар айландик. Чойхонага кириб еган ошимиз юртдагидек ширин бўлмаса ҳам қадрли.

Саратов Москвадан самолётда бир соатлик йўл экан. Гапнинг индаллосида айтганимдек, меҳмонхона шундайгина Волга дарёсининг бўйида. Деразадан қайта-қайта ташқарига қарайман. Оролга ўтказувчи кўприк тунда яна ҳам чиройли кўринади. Тонгда одамлар бадантарбия билан шуғулланиб юрибди. Югургани қайси!?

Ҳар бир ҳужайранинг нафас олаётганини ҳис қиласиз.

Шу аснода юрак бир энтикиб, туғилган манзилларни, яқинларни қўмсайди. Дунё қадаминга поёндоз бўлса ҳам кўзингга кўринмайди. Ватанга яқинлашишни ўйлашнинг ўзи ҳаяжонли. Энди кўпроқ қайтиш ҳақида суҳбатлаша бошладик.

– Хизмат сафарига бир ой кўп экан...

– Ўригидан данаги ширин, набирамни соғиндим.

Яқинларга совға-салом олиш мусобақага айланиб кетди, гўё. Ўзбекона меҳр тафтидан дилингиз яйрайди. Ватанни соғинасиз. Машиналар бисёр шаҳар, чеку чегарасиз ўрмонлар, жилваланган дарёлар ўзига жалб қилмай кўяди. Бахмалимга бориб, зилол чашманинг муздеккина сувидан бир пиёлагина ичишни қўмсайман.

Халқаро армия ўйинларида Ўзбекистон Мудофаа вазирлиги ҳарбийлари 32 та иштирокчи мамлакат орасида умумжамоа ҳисобида фахрли 3-ўринни эгаллади. Сафар поёнига етиб, самолёт Тошкент халқаро аэропортига қўниши билан ўтирганлар хурсандчилигидан қарсак чалиб юборди. Чарчоқлар унутилди. Она Ватан ҳавосидан тўйиб-тўйиб нафас олдик.

Азиз НОРҚУЛОВ



БАРКАМОЛ АВЛОДНИ ТАРБИЯЛАШ ЙЎЛИДА

Мудофаа вазирлиги Тоифаланган объектларни қўриқлаш қўшинлари қўмондонлигига қарашли Фарғона вилоятида жойлашган ҳарбий қисмда бешта муҳим ташаббус доирасида ҳарбий хизматчилар ва уларнинг фарзандлари ҳамда чақирув ёшидаги ўсмирлар, уюлмаган ёшлар ўртасида соғлом турмуш тарзини тарғиб қилиш мақсадида очилган тўғарақлар узлуксиз тарзда ўз фаолиятини юритиб келмоқда.

Яқинда ҳарбий қисм ва Фарғона шаҳридаги 20-умумтаълим мактаби жамоаси билан ҳамкорликда «Муай-тай» тўғарагининг очилишига бағишланган тадбир ўтказилди.

Унда ҳарбий қисм шахсий таркиби, мактаб жамоаси, Фарғона вилояти халқ таълими бошқармаси вакиллари иштирок этдилар.

Меҳмонлар ва ўқувчи ёшлар томонидан спортнинг – ўғил-қизларнинг баркамол бўлиб вояга етишида, уларда мустаҳкам ирода, ғалаба ва аниқ мақсад сари интилиш, қийинчиликларни енгиш руҳини тарбиялашда, қалби ва онгига ватанпарварлик, эл-юртга садоқат, фахр-ифтихор туйғуларини синдиришда кучли восита эканлиги эътироф этилди.

«Муай-тай» тўғараги аъзолари томонидан намойиш этилган кўргазмалари чиқишлар ота-оналар ва ўқувчи ёшларга бирдек манзур бўлди.

Подполковник Фаррух СУЛАЙМОНОВ

СОҲИБҚИРОН ПОЙИДА ВАЪДА



Ҳарбий хизматчилар хизматдан ортиб фарзандлари билан шаҳар айланишга вақт топиши амримаҳол. Мудофаа вазирлиги Ҳаво ҳужумидан мудофаа қўшинлари ва Ҳарбий ҳаво кучлари қўмондонлигига қарашли ҳарбий қисмлардан бирида ҳарбий хизматчилар ва уларнинг оила аъзолари «Ватанпарварлик ойлиги» доирасида Шаҳрисабз шаҳрига саёҳат қилишди. У ердаги диққатга сазовор обидалар, музейларга бордилар. Амир Темур бобомизнинг тарихи, жанг санъати билан танишдилар. Соҳибқирон ҳайкали олдида суратга тушишди. Ота-оналар улуг сиймо пойида фарзандларидан «аъло» баҳоларга ўқишга ваъда олдилар.



– 3 нафар фарзандим билан сафдошларим қаторида шаҳар айланарканмиз, болаларимиз ҳам ўзаро танишар, кўрганлари бўйича фикр алмашишарди. Ўқувчи болалар уйларига бориб, таассуротларини баён қилишларига келишиб олдик. Ҳарбий қисмда иншолар танлови ўтказамиз, – дейди майор Азизбек Матназаров.

Ҳусниябону ЖЎРАЕВА

В парке отдыха «Ашхабад» с участием военнослужащих Чирчикского высшего танкового командно-инженерного училища состоялся патриотический фестиваль.

ПРАЗДНИК ПАТРИОТИЗМА В ПАРКЕ «АШХАБАД»



Цель проводимого в рамках месячника патриотизма мероприятия – развить у молодежи чувство патриотизма и любви к Родине, ознакомить население с реформами в военной сфере, а также посредством концертов и выступлений поднять настроение жителей нашего города.

В ходе мероприятия показательно выступил почетный караул училища, мастерски продемонстрировав навыки строевой подготовки. Вслед за почетным караулом, курсанты показали приемы рукопашного боя.

Завершился праздник весёлыми выступлениями команды КВН училища. Буря оваций, в глазах жителей гордость за нашу страну, на лицах улыбка, а это значит, что цель достигнута.

А. АХМЕДОВ

Инсон ҳаётини ўзгартириш учун баъзан бир турткининг ўзи сабаб бўлиши мумкин. Мудофаа вазирлиги Ҳаво ҳужумидан мудофаа қўшинлари ва Ҳарбий ҳаво кучлари қўмондонлигига қарашли Жарқўрғон туманида жойлашган ҳарбий қисм ҳарбий хизматчиларининг вилоят болалар фтизиатрия сиҳатгоҳига ташрифи жажжи қалб эгаларини хушнуд этди.

БОЛАЖОНЛАРГА БАЙРАМОНА КАЙФИЯТ УЛАШИЛДИ

Ватанимиз посбонлари билан учрашув доирасида сиҳатгоҳдаги 3 ёшдан 14 ёшгача бўлган тарбияланувчилар ўртасида «Мен Ватанни қандай тасаввур қиламан?» мавзусида расмлар кўрик-танлови ҳамда «Энг яхши шеърхон» мавзусида мушоира баҳси ўтказилди.

Мусобақалар якунида барча қатнашчиларга совғалар улашилди ва тарбияланувчиларга байрамона дастурхон ёзилди.

Майор Матёқуб НАЗАРОВ

ИШ ВАҚТИ ЙЎҚ СОҲА

Юртимизда «Ватанпарварлик ойлиги» тадбирлари авж палласига кириб бормоқда. Муҳими ҳисобот учун ёки кимларгадир яхши кўриниш мақсадида ўтказилмаяпти. Пойтахтимизнинг Сергели тумани мудофаа ишлари бўлими ҳам ҳаммиша ёшлар билан гавжум бўлишига гувоҳ бўлдик. Бу гал ўғил-қизлар нафақадаги ҳарбий хизматчилар ва Қуролли Кучлар хизматчилари билан учрашдилар. Бир неча ўн йиллик тажриба уларнинг келгуси ҳаёт-фаолиятларида асқатишига шубҳа йўқ.

– 25 йил давомида ушбу тумanning мудофаа ишлари бўлимида чақириққа қадар ҳарбий хизматга тайёрлаш бўлимида ишладим. Ватан ҳимоясида иш вақти йўқ экан. Яқиндагина нафақага чиққан эдим. Мана, фахрийлар қаторида ёшлар билан мулоқотга келдим. Эсласам, мен ҳужжатларини ҳарбий хизматга тайёрлаган қанча ёшлар олий ҳарбий таълим муассасаларини битириб, ҳатто нафақага чикиб кетибди. Бугунги тадбирда ёшларга умрим давомида дуч келганим – ибратли воқеаларни гапириб бердим. Йиллар давомида олган фахрий ёрлиқ ва мукофотларимни кўрсатдим, – дейди меҳмонлардан бири Ҳасан Мирсултонов.

Тадбирда қатнашган ота-оналар ташкил қилинган «Устоз-шогирд» учрашуви учун мутасаддиларга миннатдорчилик билдирди.

Абдулла ЎКТАМҚУЛОВ

ИЖТИМОЙ ҲИМОЯ



БАЙРАМ СОВҒАЛАРИ УЛАШИЛДИ

Мудофаа вазирлиги тизимидаги ҳарбий хизматчилар ва уларнинг оила аъзолари, хизмат бурчини бажариш чоғида ҳалок бўлган ҳарбий хизматчиларнинг фарзандларини ижтимоий ҳимоя қилиш масалаларига алоҳида эътибор қаратиб келинмоқда.



«Ғалаба боғи»да уюштирилган байрам дастурида хизмат бурчини бажариш вақтида ҳалок бўлган Ватан ҳимоячиларининг фарзандлари ҳамда уларнинг оила аъзоларига қувонч улашилди. Тошкент шаҳри ва Тошкент вилоятдан жам бўлган оилалар дастлаб ҳарбий оркестр

жамоаси томонидан ижро этилган куй-қўшиқлардан баҳраманд бўлишди. Бола-жонлар Қорбобо ва Қорқиз ҳамда эртак қаҳрамонлари билан бирга рақсга тушди.

Шундан сўнг «Шон-шараф» музейида қаҳрамон юрт ўғлонларининг фарзандлари ва уларнинг оила аъзолари учун Президент совғаси ҳамда Мудофаа вазирлигининг махсус совғалари топширилди. Тадбирда Халқ таълими вазири ўринбосари, Мудофаа вазирлиги ҳузуридаги Жамоатчилик кенгаши аъзоси Дилшод Кенжаев ҳам иштирок этиб, ўз тилақларини билдириб ўтди.

Шунингдек, музей бўйлаб қизиқарли саёҳат ҳам уюштирилди.

Ҳилола ҲАМРОЕВА,
Мудофаа вазирлиги
Тарбиявий ва мафқуравий
ишлар бош бошқармаси
мутахассиси

«КИМ ВАТАНГА СОДИҚ БЎЛСА, МЕНДИРМАН ЎША!»

ЖАСОРАТ УНУТИЛМАЙДИ

ХУДДИ ОЛТИН КАБИ

Каттақўрғон гарнизонидаги сафарбарлик чақируви резерви батальони жамоаси ҳудуддаги Иккинчи жаҳон уруши қатнашчилари ҳолидан ҳамиша хабар олиб туради.



Оловли жангларда мардлик ва жасорат намунасини кўрсатиб, ҳозирда неварою эваралари ардоғида умргузаронлик қилаётган ватандошларимиз орасида Нуробод тумани Тим қишлоғи Аработа маҳалласида яшовчи Бойқувват бобо Садинов ҳам бор. Бойқувват бобо 1925 йил 19 декабрь куни таваллуд топган.

Бойқувват бобо урушдан кейин ўз қишлоғига қайтиб келиб, дурадгорлик билан шуғулланади. Ҳалол ризқ топиб, оила қуради ва тўрт қиз, беш ўғилни аёли билан оқ ювиб, оқ тарайди. Фарзандлари ҳам ҳозирда жамиятимизнинг турли жабҳаларида фаол меҳнат қилиб келмоқда.

Йўқлов аввалида батальон фельдшери I даражали сержант Шаҳобиддин Давлатов Бойқувват бобонинг соғлиғини назоратдан ўтказди ва керакли дори-дармонлар берди.

– Бу каби инсонларни доимо қадрлашимиз керак, – дейди батальон командири подполковник Асқар Юсупов. – Улар кўрсатган жасорат, матонат ҳамма даврларда ҳам ўз қадр-қимматини йўқотмайди. Ҳали орадан кўп йиллар ўтади, боболаримиз шухрати, мардликнинг қиймати эса худди олтин каби янада ортиб бораверади.

И. НУРАЛИЕВ

ЭКСКУРСИЯ

МЕСЯЧНИК ПАТРИОТИЗМА

АЙЁМ ШУКУҲИ ЎҚУВЧИЛАР НИГОҲИДА



«Ким Ватанга содиқ бўлса, мендирман ўша!» шиори остида «Ватанпарварлик ойлиги» доирасида Мирзо Улуғбек туманидаги 223-мактабнинг 1-синф ўқувчилари «Ғалаба боғи» мажмуаси ва «Шон-шараф» музейига экскурсия қилишди.

Мажмуа ҳудуди ва «Шон-шараф» музейида сақланаётган экспонатлар ўқувчиларда катта қизиқиш уйғотди.

Ўқувчиларнинг кейинги манзили «Toshkent City»га саёҳат бўлди. Бу ердаги ажойиб бино ва қурилмалар, кўнгилочар жойлар ўзининг кўркамлиги билан бола-жонларга манзур бўлди.

Ҳамдам ШАМУРАТОВ

В рамках месячника патриотизма ученики общеобразовательной школы №274 Юнусабадского района столицы посетили Центр развития спорта высших достижений Министерства обороны Республики Узбекистан.

Как отметили представители Центра, частое посещение детей приносит свои плоды, кто-то начинает интересоваться техническими видами спорта, а именно стрелковым спортом, а это, в свою очередь, помогает находить талантов. Спортивная стрельба – это Олимпийский вид спорта, занимающийся им спортсмен в первую очередь вырабатывает такие качества как настойчивость, самодисциплину и волю к победе.

В ходе экскурсии по Центру школьники поближе ознакомились с процессом тренировок спортсме-

ШКОЛЬНИКИ В ГОСТЯХ У ЧЕМПИОНОВ



нов-стрелков, узнали много интересного о самом стрелковом виде спорта, получили возможность стрелять из пневматического оружия. А посещение уголка, в котором отражена вся история армейского спорта, стенды чемпионов, яркие моменты их побед вызвали массу детских эмоций и восхищений.

Увлекательнейшая экскурсия по Центру закончилась ознакомлением с созданными здесь условиями для спортсменов. Стоит отметить, что в Центре созданы максимальные условия для занятия стрелковым спортом, отдыха и досуга спортсменов.

Чингиз РАИМБЕРДИЕВ



ЗАФАРЛИ ОДИМЛАР

(Охири. Боши ГАЗЕТАНИНГ ЎТГАН СОНЛАРИДА)

Ўзбекистон Республикаси Президентининг Фармони билан 1993 йилда ташкил этилган Марказий ҳарбий спорт клуби (МҲСК, сўнгги йилларда Мудофаа вазирлиги спорт клуби – MVSK) мамлакатимиз Қуролли Кучларининг спорт клуби, миллий терма жамоаларимизнинг таянч устуниси сифатида фаолият юритиб келаётган эди. Вазирлар Маҳкамасининг 2020 йил 19 майдаги қарорига мувофиқ, армия спортини аҳолининг кенг қатламлари, айниқса, ёшлар ўртасида янада ривожлантириш ва оммалаштириш, олий малакали спортчиларни олимпия, оммавий, миллий, ҳарбий-амалий ва техник спорт турлари бўйича талабга тўла жавоб берадиган даражада, сифатли тайёргарлик кўришларини таъминлаш мақсадида Мудофаа вазирлиги спорт клуби Мудофаа вазирлиги Олий спорт натижаларини ривожлантириш марказига (Марказ) айлантирилди. Марказнинг 2021 йилги фаолияти ва 14-январь – Ватан ҳимоячилари кунини байрами олдидан биз ҳам газетамиз спорт саҳифалари орқали армия спорти тарихига таҳлилий жиҳатдан бир назар ташлашга қарор қилгандик. Газетамизнинг ўтган 10 та сонинда армия спортчиларининг 1993 – 2019 йиллар давомида халқаро ва мамлакатимиз миқёсидаги мусобақаларда эришган ютуқлари, юқори натижалари «Армия спорти – юртимиз фаҳри» сарлавҳаси остида имкон қадар таҳлилий равишда берилди. Бугун ушбу мақолага якуний хулоса қиламиз.

**ЮРТНИ УЛУҒЛАЙДИ
АСЛ ФАРЗАНДЛАР!**

1993 йилда ташкил этилган Марказий ҳарбий спорт клуби ўтган вақт мобайнида мамлакатимиз миллий терма жамоаларининг таянч устуниси сифатида самарали фаолият юритди ва юртимизнинг энг етакчи Олий маҳорат спорт мактабларидан бирига айланди. Марказда 20 дан ортиқ спорт тури бўйича 16 та йўналишдаги фаолият йўлга қўйилган бўлиб, унда 600 нафардан ортиқ юқори тоифали спортчи шуғулланади ва ўз маҳоратларига сайқал беради. Уларга олий ва бошқа турли даражадаги 100 нафарга яқин мураббий устозлик қилади. Ҳар йили 10 нафардан ортиқ спортчи белги-ланган меъёрларни бажариб, юқори тоифали катта маҳорат соҳиблари сафига қўшилади, содда айтганда, ёшлар «профессионал спортчи»га айланади.

1992 – 1994 йилги мавсумлар армия спорт клуби учун шаклланиш, «оёққа туриш» даври бўлди. 1995 йили кутилмаганда халқаро



**АРМИЯ СПОРТЧИЛАРИ
1992 – 2019 ЙИЛЛАРДА ЭРИШГАН МУВАФФАҚИЯТЛАРИНИНГ
ТАҲЛИЛИЙ ЖАДВАЛИ**

МҲСК	Мамлакат миқёсида (ММ)			Халқаро майдонда (ХМ)			Жами медаллар		
	Олтин	Кумуш	Бронза	Олтин	Кумуш	Бронза	ММ	ХМ	Жами
1992 й	69	32	34	3	6	6	135	15	150
1993 й	78	30	36	12	4	1	144	17	161
1994 й	85	38	41	32	26	20	164	78	242
1995 й	80	36	43	59	37	35	159	131	290
1996 й	92	44	52	22	9	19	188	50	238
1997 й	110	65	60	10	23	17	235	50	285
1998 й	118	63	69	4	6	15	250	25	275
1999 й	125	72	75	12	16	13	272	41	313
2000 й	120	86	73	5	8	8	279	21	300
2001 й	126	96	80	2	8	12	302	22	324
2002 й	130	108	99	4	14	9	337	27	364
2003 й	136	107	99	23	12	22	342	57	399
2004 й	140	109	102	11	14	10	351	35	386
2005 й	146	114	109	34	40	36	369	110	479
2006 й	158	121	106	28	46	36	385	110	495
2007 й	238	164	150	66	49	58	552	173	725
2008 й	233	148	119	61	62	86	500	209	709
2009 й	325	216	176	73	61	51	717	185	902
2010 й	280	236	176	63	42	52	692	157	849
2011 й	302	214	216	77	60	67	732	204	936
2012 й	385	257	233	87	64	71	875	222	1097
2013 й	311	252	187	77	67	67	750	211	961
2014 й	281	211	181	71	55	73	673	199	872
2015 й	308	205	167	66	56	38	680	160	840
2016 й	298	197	193	46	44	37	688	127	815
2017 й	268	189	198	51	28	41	655	120	775
2018 й	357	239	261	104	104	65	857	273	1130
2019 й	246	180	160	99	82	90	586	271	857
Барча мавсумда	5545	3829	3495	1202	1043	1055	12869	3300	16169





ро майдонда ҳам «ярқ этиб порлаган» МХСК спортчилари кейинги мавсумдаёқ яна «сўнди», халқаро майдон учун маҳорат бобида тажриба тўплаш лозимлигини мураббийлари ҳам англашди. Лекин бу англаш, алмашиш, янгиланиш даври узок чўзилди – мамлакат миқёсидаги ютуқ кўрсаткичларида йилдан-йилга ўсиш кузатилган бўлса-да, халқаро арена армиямиз спортчилари учун оғирлик қилди. Ниҳоят, 2005 йилги мавсумда МХСК аъзолари миллий терма жамоаларимизнинг таянч устунни бўлиб юз кўрсатди ва бу етакчилик, муваффақиятларнинг ўсиши 2012 йилга қадар узлуксиз давом этди.

2012 йил бошида Осиё олимпия кенгаши (ООК) президенти Шейх Аҳмад аль-Фахад аль-Сабах юртимизга ташриф буюриб, Ўзбекистон спортчиларининг тайёргарлик дастури билан танишган ва жисмоний тарбия ҳамда спортни ривожлантиришга юртимизда давлат томонидан катта эътибор берилётганига гувоҳ бўлган, эришилаётган муваффақиятларда армия спортчиларининг алоҳида ўрни борлиги эса унда янада катта таассурот уйғотганди. Зеро, 2011 йилги мавсумда Ўзбекистон спортчилари 253 та халқаро мусобақаларда иштирок этиб, 235 та олтин, 229 та кумуш, 325 та бронза, жами 789 та медалга сазовор бўлган, шунинг 204 тасини армия спорт клуби вакиллари қўлга киритганди. Уша йили армиямиз спортчиларидан 77 нафари халқаро аренада зафар қозонган ва телеэкран қаршисида севиниб ўтирган минглаб мухлисларни ҳам ўзлари билан бирга Ватанимиз мадҳиясини жўр бўлиб куйлашга ундашганди. 2011 йили Ўзбекистон байроғи халқаро майдонда яна 127 марта МХСК аъзоларининг муваффақиятлари эвазига баланд кўтарилди, яъни жаҳоннинг турли бурчакларида ўтказилган нуфузли мусобақаларда 60 та кумуш ва 67 та бронза медаллари ҳам қўлга киритилди.

2012 йилги мавсумдаги кўрсаткичлар янада юқори бўлди – армия спорт клуби вакиллари мамлакат чемпионатлари ва кубок баҳсларида, шунингдек, юртимиз терма жамоаси таркибида халқаро мусобақалар, қитъа ва жаҳон биринчиликлари ҳамда XXX ёзги Олимпиада ўйинларида иштирок этиб, 442 та олтин, 321 та кумуш, 304 та бронза, жами 1 097 та медални қўлга киритишди. Шундан 87 та олтин, 64 та кумуш, 71 та бронза, жами 222 та медалга халқаро майдонда эришилди. Бу муваффақият армия спортчиларининг ўтган барча йиллар давомидаги энг юқори кўрсаткичи сифатида 2018 йилга қадар сақланиб қолди. Ҳа, спортга хос авлодлар алмашинуви ҳам маълум муддат клубнинг мавсум бўйича якуний натижаларига таъсир қилди. 2018 йили MVSK аъзолари сермахсуллик борасида аввалги рекорд кўрсаткичларини янгилашди – 461 та олтин, 343 та кумуш, 326 та бронза, жами 1 130 та медалга сазовор бўлишди. Мазкур мавсум сермахсуллиги Индонезияда бўлиб ўтган XVIII ёзги Осиё ўйинлари билан ҳам боғлиқ жараён. Унда армиямиз спортчилари 10 та олтин, 11 та кумуш, 12 та бронза, жами 33 та медални қўлга киритишганди.


«Спортчиларнинг юлдузлик касали»ми, авлодлар алмашинуви



ёки армия спорт клуби билан мамлакатимиз спорт раҳбарияти ўртасидаги алоқалар тушунмовчилиги боисми МХСКнинг кўрсаткичларида 2013 йилги мавсумдан бошлаб, йилдан-йилга пасайиш кузатилди ва бу бироз турғунлик ҳамда босқичма-босқич орта шўнғиш даври 2018 йилга қадар давом этди. Ва ниҳоят, 2018 йилги мавсумда 2012 йилги рекорд натижа янгиланди. 2018 йилнинг 3 январидан 31 декабрга қадар спортнинг 21 та тури бўйича мамлакат ва дунё миқёсидаги турли мусобақаларда қатнашган армиямиз спортчилари мавсум давомида

жами 1 130 та медални қўлга киритишди. Бу 1992 йилдан фаолиятини бошлаган армия спорт клуби учун энг юқори кўрсаткичли спорт мавсуми сифатида тарихга кирди.

Таъкидлаш жоиз, мавсум якунидаги умумий натижалар турли хиллигига ҳар икки-уч йилда бир марта ўтказиладиган халқаро мусобақалар, хусусан, тўрт йилда бир марта ўтказиладиган Олимпиада ўйинлари ҳамда унга саралаш мақомидаги турнирлар ҳам сабаб бўлади. Шунга қара-



лозим топдик.

Армиямиз спортчилари учун 29 та мавсум тарихга айланди. 1992 – 2019 йиллар мобайнида халқаро майдонда армиямиз спортчилари томонидан 1 202 та олтин, 1 043 та кумуш, 1 055 та бронза, жами 3 300 та медал қўлга киритилди. Ушбу факт ва рақамларни бироз бошқача изоҳлаганда, армиямиз спортчилари ўтган давр давомида юртимиз байроғи дунё ареналарида 3 300 марта юқори кўтарилишига, 1 202 марта давлатимиз мадҳияси (ғолиблик шарафи учун баралла) янграшига сабабчи бўлишди ва бу орқали ёшларимизнинг ғурурини юксалтиришга, ўз навбатида, уларни Ватанга муҳаббат, истиқлол ғояларига садоқат, миллий қадриятларимизга ҳурмат руҳида тарбиялашга хизмат қилишди.

Армиямиз спортчилари ортада қолган мавсумларнинг мамлакат миқёсидаги мусобақаларида янада юқори натижаларга эришишди, яъни 5 545 та олтин, 3 829 та кумуш, 3 495 та бронза, жами 12 869 та медалга сазовор бўлишди. Халқаро ва мамлакат миқёсидаги мусобақаларда қўлга киритилган жами медаллар сони эса 16 169 тани (6 747 та олтин, 4 872 та кумуш, 4 550 та бронза) ташкил этди.

Биргина Марказий ҳарбий спорт клуби (кейинчалик Мудофаа вазирлиги спорт клуби) миносида гувоҳ бўлганингиздек, юртимизда баркамол, навқирон авлод вояга етаётган экан, уларнинг жаҳон майдонларидаги ютуқлари шарафига куч-қудрат, жасорат, тараққиёт тимсоли сифатида Ватанимиз байроғи дунё миқёсида доим баланд кўтарилиб, мадҳиямиз баралла янграйверсин! Бу ютуқларда юртимиз мустақиллиги, халқимиз тинчлиги ва барқарорлиги, осуда ва обод мамлакатимиз тимсоли сифатида Мудофаа вазирлиги

май, MVSK аъзоларининг сўнги, яъни 2018 ва 2019 йилги мавсумдаги халқаро майдон умумий кўрсаткичлари деярли бир хил, сифат жиҳатидан эса турлича бўлди: 2018 йилги мавсумда – 104 та олтин, 104 та кумуш, 65 та бронза, жами 273 та медални қўлга киритган MVSK аъзолари 2019 йилги мавсумда – 99 та олтин, 82 та кумуш, 90 та бронза, жами 271 та медалга эгалик қилишди.

2020 йилги мавсум... коронавирус пандемияси сабабли киритилган чекловлар спорт мусобақаларига жуда катта таъсир кўрсатди. Аксарият спорт турлари бўйича анъанавий халқаро мусобақалар 2020 йилги мавсумда деярли ўтказилмади, XXXII ёзги Олимпиада ўйинлари, футбол бўйича Европа чемпионати каби йирик мусобақалар эса бир йил кейинга сурилди. Табиийки, 2020 йилги мавсум армиямиз спортчилари учун ҳам ҳисоб ва натижаларни таҳлил қиладиган ва улардан завқ оладиган мавсум бўлмади. Шу боис биз ҳам ушбу мавсум таҳлилига уч нукта қўйиб қўйишни



Олий спорт натижаларини ривожлантириш марказининг муносиб улуши бўлаверсин! Биз журналистлар «Армия спорти – юртимиз фаҳри», «Юртни улуғлайди асл фарзандлар!» каби сарлавҳали туркум мақолалар ёзишдан асло чарчамайлик. Зотан, Ватан улуғ, уни шарафлаш баҳодирларга хос!

Расул ЖУМАЕВ,
«Vatanparvar»

Мудофаа вазирлиги Тоифаланган объектларни қўриқлаш қўшинлари қўмондонлигига қарашли Фарғона вилоятида жойлашган ҳарбий қисмда бешта муҳим ташаббус доирасида ҳарбий хизматчилар ва уларнинг фарзандлари ҳамда чақирув ёшидаги ўсмирлар, уюшмаган ёшлар ўртасида соғлом турмуш тарзини тарғиб қилиш мақсадида очилган тўгараклар узлуксиз тарзда ўз фаолиятини юритиб келмоқда.

бошқа вилоятлардаги сингари «С» тоифали ҳайдовчи – электрик, «ВС» тоифали ҳайдовчи, радиотелефонист, телефонист, хизмат ити етакловчиси, чавандозлик ва ошпазлик мутахассисликлари бўйича муддатли ҳарбий хизматга борувчилар тайёрланади. Туман миқёсида белгиланган синовлардан ўтганлар ўз ҳудудларига қарашли Мудофаа ишлари бошқармаси тавсиясига биноан ҳарбий-техника мутахассисликлари бўйича тайёрлаш

МУДДАТЛИ ҲАРБИЙ ХИЗМАТГА МАҚСАДЛИ ТАЙЁРГАРЛИК



Ўзбекистон Республикаси «Умумий ҳарбий мажбурият ва ҳарбий хизмат тўғрисида»ги Қонунда мамлакатимиз фуқароларини ҳарбий хизматга тайёрлаш меъёрлари ҳақида кенг ёритиб берилган. Мазкур Қонуннинг 14-моддаси эса «Чақирилувчиларнинг ҳарбий-техника мутахассисликлари бўйича тайёргарлиги» дея номланади ва унда йигитлик бурчини ўташ ниятида бўлган ёшларга қўйилган талаблар, шунингдек, яратилган шарт-шароитлар белгилаб қўйилган.

2003 йилдан бошлаб, муддатли ҳарбий хизмат бир йиллик муддатга ўтказилгандан кейин Қуролли Кучлар тизимида қатор ислохотлар олиб борилди. Чунки қисқа муддат давоми-

да фуқароларнинг тўлақонли ва мақсадли хизмат бурчини ўташни таъминлаш олдинга қўйилган вазифалардан бири ҳисобланади. 2019 йил барча вилоятларда вилоят Мудофаа ишлари бошқармаси ҳузуридаги чақирилувчиларни ҳарбий-техника мутахассисликлари бўйича тайёрлаш марказлари ташкил этилиб, кўзланган натижа томон яна бир муҳим қадам ташланди.

Янгийўлда жойлашган Тошкент вилояти Мудофаа ишлари бошқармаси ҳузуридаги чақирилувчиларни ҳарбий-техника мутахассисликлари бўйича тайёрлаш маркази ҳам ўз олдига қўйилган вазифаларни бажариб келмоқда. 2019 йил 2 апрелда очилган марказда

марказида ўқиш имкониятини қўлга киритади. Муддатли ҳарбий хизмат бурчини ўташ истагида бўлган йигитлар маълум муддат давомида марказда Қуролли Кучлар тизимида муҳим бўлган мутахассисликлар бўйича таълим оладилар.

Янгийўлдаги марказда хизмат сафари билан бўлганимизда «Умумий ҳарбий мажбурият ва ҳарбий хизмат тўғрисида»ги Қонуннинг 14-моддаси қай даражада амалга ошириляётганининг гувоҳи бўлдик. Марказ бошлиғи подполковник Алишер Рўзметов ўқув даргоҳида 20 дан ортиқ устозлар тегишли мутахассисликлар бўйича ёшларга сабоқ бериб келаятиганини таъкидлади. Назарий ва амалий билимларни ўзлаштириш учун мўлжалланган замонавий ўқув синфлари, ётоқхона, спорт зали, ошхона, кутубхона ҳамда маънавият хонаси ҳақиқатан ҳам Мудофаа вазирлиги томонидан қўйилган барча талабларга жавоб беради.

Бундан ташқари кинология ва чавандозлик бўйича таълим олаётган курсантлар Мудофаа вазирлиги Марказий хизмат итлари питомниги ҳамда пойтахт отчопарида ўтказиладиган амалий машғулотларда ўз кўникмаларини ошириб борадилар. Ҳайдовчилик йўналишидаги курсантларга эса махсус автодромда КАМАЗ, УАЗ, ЗИЛ, Урал каби машиналарни бошқариш жараёни ўргатилади.

Чақирилувчиларни ҳарбий-техника мутахассисликлари бўйича тайёрлаш марказининг бир кунлик ўқув жараёнларини кузатиш давомида ҳақиқий ҳарбий хизматдаги муҳитнинг гувоҳи бўлдик. Эгнига ярашиб турган ҳарбий кийимдаги йигитларнинг нигоҳига назар ташлар экансиз, уларнинг илмга чанқоқлиги орқали Ватан ҳимоячиси бўлишдек шарафли бурчни қалбан англаб етганига амин бўласиз. Хулоса қилиб айтганда, йигитлик бурчини ўташ ниятида бўлган ёшлар қўйилган талаблар ва ўзларига яратиб берилган шарт-шароитлардан унумли фойдаланган ҳолда чақирилувчиларни ҳарбий-техника мутахассисликлари бўйича тайёрлаш марказида муддатли ҳарбий хизматга мақсадли тарзда тайёргарлик жараёнини ўтамоқдалар.

Асқор РЎЗИБОЕВ, «Vatanparvar»



ВИДЕОКОНФЕРЕНЦИЯ

«МУСТАҚИЛ ЎЗБЕКИСТОН ФАРЗАНДИМАН!»

Қуролли Кучлар академиясида ўтказилган маънавий-маърифий видеоконференция айнан шу мавзуга бағишланди.

Унда мазкур олий ҳарбий таълим муассасаси ҳамда Фавқуллода вазиятлар вазирлиги академияси курсантлари, Фарғона «Темурбеклар мактаби» ўқувчилари, фаол ва уюшмаган ёшлар, шунингдек, Мудофаа вазирлиги тизимидаги олий ҳарбий таълим муассасалари курсантлари ва ўқувчи ёшлар онлайн иштирок этди.

Тадбир Давлатимиз мадҳияси билан бошланди.

Видеоконференция-алоқада Мудофаа вазирлиги масъул офицерлари, академия қўмондонлиги, Республика Ҳарбий прокуратураси, Ёзувчилар уюшмаси, Олий Мажлис Қонунчилик палатаси ҳузуридаги Ёшлар парламенти вакиллари, Зулфия номидаги давлат мукофоти соҳибалари, Мудофаа вазирлиги ҳарбий спортчиларининг маърузалари тингланди.



Очиқ ва самимий руҳда ўтган мулоқотда Президентимизнинг Ўзбекистон Ёшлари форумидаги эртағамиз эгаларига мурожаати, Олий Мажлисга мурожаатномаси мазмун-моҳияти ва ёшлар учун кенг кўламли яратилган ҳамда келгусида жорий этиладиган янада улкан имтиёзлар, имкониятлар ва шарт-шароитлар аҳамияти ҳақида батафсил тушунтиришлар берилди.

Ўз навбатида, истиқболимиз давомчилари бундай қулайликлардан, албатта, ўз олдига

катта мақсадлар қўйиб, самарали ва оқилона фойдаланиши, эгаллаган барча билим ва тажрибаларини келажакда Ватанимиз равнақи ва халқимиз фаровонлиги йўлида сарф этиши элу юрт олдидаги фарзандлик бурчи эканлиги таъкидланди.

Адлия майори Ботир СОБИРОВ,
Ўзбекистон Республикаси Ҳарбий
прокурорининг катта ёрдамчиси

ИЛМ-ФАН

Ўзбекистон Республикаси Қуролли Кучлари академияси ва Вазирлар Маҳкамаси Давлат тилини ривожлантириш департаменти ташаббуси билан «Ҳарбий атамаларнинг янги изоҳли луғати» китоби нашрдан чиқди. Ушбу изоҳли луғат ҳарбий хизматчилар учун миллий армиямизни англаш, уларнинг ҳарбий хизмат ҳақидаги билимларини янада мустаҳкамлашда муҳим манбалардан бири бўлиб хизмат қилиши шубҳасиз.

Хўш, ушбу изоҳли луғат бизга қандай муҳим маълумотларни бера олади? Келинг, айрим мисоллар ёрдамида китоб моҳиятини қисман очиб беришга ҳаракат қиламиз. Аввало, изоҳли луғат ҳарбий-илмий фаолиятда қўлланиладиган 1 230 та атамани ўзида жамлаган. Бунда атамаларнинг келиб чиқиши, маъно-моҳияти қисқа ва тушунарли тарзда ифода этилади.

Масалан, қўлланмада ботирлик сўзи шундай изоҳланади:

– Жангчининг хавфли вазиятда ғалаба қозонишига қатъий ишонч билан қўрқмай, ягона мақсад сари ҳаракатланиши ва ҳаёти учун хавф туғдирадиган вазифани бажариш мобайнида намоён бўладиган маънавий-руҳий ва жанговар сифатлари. Ботирлик – вужудга келган ҳар қандай вазиятдан қатъи

назар, қўйилган мақсадга эришиш йўлида узил-кесил ҳаракатлар бажариш, танлаган ғоя ва тамойилларга содиқ қолишни тақозо этади...

Ёки ҳарбийча саломлашиш сўзини олайлик. Мулоқотда «честь» бериш тарзида омалашган бу атама тарихи XIII асрга бориб тақалади. Ўша вақтлардаги рицарлар жанг хавфи бўлмаган «Тоза майдонда» учрашганларида металл дубулғаларининг юзидаги пардани очишни одат қилишган эди. Кейинчалик пардали дубулғалар темир каскаларга алмаштирилганида дўстона муносабатни ифодаловчи – қўлни бошга яқинлаштириш одати сақланиб қолди. Бора-бора бу одат ҳарбий хизматчилар учрашганда ҳарбий одобнинг мажбурий ҳаракати сифатида қатъий белгилаб қўйилди.

Яна бир муҳим атамалардан бири бу – жанговар шайлиқдир. Аслида огоҳлик – шоҳлик замонида ҳар биримизнинг маънан ва жисмонан шай бўлиб яшашимиз



турмуш талабига айланиб бўлди. Изоҳли луғатда ушбу иштибоҳга шундай таъриф берилди:

– Жанговар шайлик – қўшинларнинг жанговар ҳаракатларни белгиланган муддатда бошлай олиш қобилиятини ва қўйилган вазифаларнинг муваффақиятли бажарилишини таъминловчи ҳолати. Ҳарбийча айтганда, замонавий қурол-яроғ ва талафот етказувчи воситаларнинг қўл-

ланилиш тезкорлиги, шунингдек, турли-туман ҳарбий усулларнинг қўшинлар томонидан максимал даражада самарали ишлатилиши жанговар шайликни ифодалайди.

Изоҳли луғатнинг яна бир ютуқларидан бири шундаки, унда ҳарбий хизматчиларни ўзаро жипслаштирувчи, уларда биродарлик ҳисси, она Ватанга бўлган садоқатни мустаҳкамловчи атамаларга алоҳида урғу бериб ўтилган. «Ҳарбий эҳтиром», «Ҳарбий ўртоқлик», «Ҳарбий қудрат», «Ҳарбий этика», «Ҳарбий тарбия», «Ҳарбий ор-номус» каби сўзлар фикримизнинг исботидир.

Масалан, изоҳли луғатда ҳарбий ор-номус тушунчаси ифодаланар экан, Ўзбекистон Республикаси Қуролли Кучлари жангчиларининг ҳарбий ор-номуси уларнинг Ватан мустақиллигини ҳимоялаш учун маънан жавобгар эканига эътибор қаратилади. Шунингдек, ҳарбий ор-номус тимсоли – Жанговар байроқ бўлиб, бу туйғу жангда кўрсатилган жасоратларда кўпроқ намоён бўлади. Ҳарбий ор-номус оммавий-маданий ишлар, маънавий руҳий тайёргарлик жараёнида тарбияланади.

Яна кўплаб мисолларни келтиришимиз мумкин. Энг муҳими, изоҳли луғат билан яқиндан танишган киши, аввало, кўп қўлланиладиган ҳарбий атамалар, қурол-яроғ, жанг олиб бориш усуллари, ҳарбий унвонлар, ҳарбий тузилмалар ва бошқа турли йўналишдаги сўзларнинг маъно-моҳиятига чуқурроқ кириб боради, ўз билимларини янада бойитади.

Моҳигул ТҶҲИЕВА,
Мудофаа вазирининг
маънавий-маърифий ишлар
самарадорлигини ошириш,
давлат тили тўғрисидаги
қонун ҳужжатларига риоя
этилишини таъминлаш
масалалари бўйича
маслаҳатчиси

ОИЛАДА БАХТ ТОПГАНЛАР

«Болам, энди сен ҳам бир оиланинг бекасисан. Турмуш ўртоғинг юрт ҳимоячиси! Бу эса зиммангда икки қарра залворли масъулият борлигини англатади. Қачонки сен сабр-тоқатли, қаноатли бўлсанг турмуш ўртоғингнинг хизматида унум бўлади, кўнгли хотиржам Ватанга хизмат қилади. Айтганларимни ҳеч қачон ёдингдан чиқарма». Меҳриё ҳарбий таълим муассасасини тамомлаган Абдурахмон билан турмуш қуриб гўзал водийдан минг чақирим йўл босиб, Нукус шаҳрига келиб яшаётганига ҳам мана 10 йил вақт бўлибди. Ўтган даврда онасининг мана шу насиҳатлари унга далда бўлди. У фарзандларини тарбиялашда ва оила мустаҳкамлигини таъминлашда ҳам доимо ёшу улўф қадрдонларининг ўғит ва насиҳатларига таянди.



Майор Абдурахмон Тўлашев ва Меҳриё Тўлашева Андижон вилояти Балиқчи тумани Чинобод қишлоғидан. Улар 2011 йилнинг июнь ойида турмуш қуришган. Абдурахмон 2010 йили Чирчиқ олий танк қўмондонлик-муҳандислик билим юртини тугатган. Айни пайтда у Шимоли-ғарбий ҳарбий округга қарашли ҳарбий қисмлардан бирида хизмат қилмоқда. Ҳарбий жамоада билимдонлиги, ташаббускорлиги билан ажралиб туради. Шахсий таркиб билан ишлаганда етакчилик қобилияти янада ёрқинроқ акс этади. Бу эса унинг ҳарб илми сирларини пухта ўзлаштирганидан далолат беради.

Оила бекаси Меҳриё ҳақида ҳам шундай илиқ фикрларни айтиш мумкин. Меҳриё – нафақат оилапарвар бека, балки меҳрибон она, жонкуяр турмуш ўртоқ ҳам. У билан суҳбатлашиш ҳам мароқли. Ҳар сўзини салмоқлаб гапиради, мулоҳазали аёл.

– Оилада тўрт қизмиз. Энг кичигиман, – дея суҳбатни бошлади Меҳриё. – Опаларим зиёли, ўқимишли. 2011 йили Андижон давлат университетининг ўзбек тили ва адабиёти мутахассислиги бўйича ўқишни тамомлаб, турмушга чиққанман. Ўн йилдирки, Нукусда яшаймиз. Ўғлим ва қизим ҳам Нукусда туғилди. 2015 йилдан буён Нукус шаҳридаги 41-сонли умумтаълим мактабида ўзбек тили ва адабиёти фанидан дарс бериб келаман. 2019 йили Бердақ номидаги Қорақалпоқ давлат университетининг магистратура босқичига бюджет асосида ўқишга кирдим.

Ҳозирда «Ўзбек ва қорақалпоқ тилларида феълларнинг аффекация усулида ясаилиши» номли илмий иш билан машғулман. Келгусида академик бўлиш истагим бор. Аёл қачон бахтли бўлади? Биласизми? Ёнида уни тушунган ва доим қўллаб-қувватлайдиган азиз инсон бўлса, шундай саодатга эришади. Мен бу борада омадли аёлман. Турмуш ўртоғим ажойиб инсон. Самимий, жонкуяр. Табиатан босиқ, аммо оила даврасида қувноқ инсонга айланади. Уларга ҳурматим баланд. Шу вақтгача бир-биримизни тушуниб, бир-биримизга елкадош бўлиб яшаб келаямиз.

Ҳа, шунинг учун ҳам Тўлашевлар оиласини маҳаллада энг ибратли хонадон сифатида тилга олишади, ёш оилаларга ўрнак қилиб кўрсатишади. Бир-бирига узукка кўз қўйгандек мос бу жуфтлик Мудофаа вазирлиги қўшинларида бўлиб ўтган «Намунали ҳарбий оила» кўрик-танловининг якуний босқичида ҳам муносиб иштирок этиб, энг намунали оила тимсоли сифатида эътироф этилди ва фахрли биринчи ўринга лойиқ топилди.

– Ўйлаб қарасам, ибрат, намуна бўлиш бизга мерос экан. Бир неча йиллар аввал, бувижоним раҳматли маҳалламизда «Энг яхши қайнона», онажоним эса «Энг ибратли бека» деб эътироф этилган эди, – дейди Меҳриё. – У пайтларда танлов ғолиблари бирор тадбирда иштирок этиб эмас, балки маҳалла аҳли берган овозга қараб белгиланган. Ўтган йили «Наврўз» байрамида ойижоним «Маҳалланинг энг ибратли қайнонаси», мен

келин бўлиб тушган Тўлашевлар хонадони «Маҳалланинг энг ибратли хонадони» сифатида туманда намуна қилиб кўрсатилган эди. Қайнотамнинг халқпарвар инсон эканлиги бугун ўғилларига ҳам ўтган. Бу хонадонга келин бўлиб тушганимдан мамнунман.

– Меҳриёнинг мақтовга арзигулик фазилатлари бисёр. Оқила, меҳрибон аёл. Пазандалиги ҳам таҳсинга лойиқ. Тақдирим мана шундай аёл билан боғланганидан Яратганга беҳисоб шўкур дейман, – дейди оила бошлиғи майор Абдурахмон Тўлашев. – Қачонки оилада эр ва хотин бир-бирига кўмакчи, ҳамдард, ҳамфикр бўлиб яшаса бахтли бўлади, эл ҳурматига эришади. Хизматдан бўш вақтларимни оилам даврасида ўтказишни хуш кўраман. Фарзандларимнинг шодон кайфиятини кўриб, ҳар қандай чарқоқни унутиб юбораман. Оилам битмас-туганмас руҳий қувват бахш этади. Шарафли хизматимда эришган ютуқларимда оиламнинг ҳам муносиб ҳиссаси бор. Ҳар қандай вазиятда ҳам уларнинг қўллаб-қувватлаб турганликларини сезаман. Ва бундан руҳланаман.

Самимий бу сўзларни эшитиб кўнглимиз ёришди. Ҳар кимга ҳам шундай юракнинг туб-тубидан чиқувчи меҳр-муҳаббатга йўғрилган эътироф йўлдош бўлсин, деб тилак билдираман.

Шоҳиста АБДУРАҲМОНОВА,
Шимоли-ғарбий ҳарбий округ
матбуот хизмати

ЎЎИҚМАТЛАР

БАХТИЁРЛИК СИРЛАРИ

... Қўшни хонадонда тўй тарадудди. Келин бўладиган қизнинг қўлоғига аста айтаман:

Сингилжоним! Эсингда тут, ҳовли супирар бўлсанг, овсининг томонидан супур, бу – сизни ҳурмат қиламан дегани бўлади...

Унга яна нималардир дейман-у, ўзим эса... олис келинлигим арафасида қўшни момонинг менга қараб урғу бериб айтган ўғитларини эслайман:

– Жон болам, бировнинг уйига кетяпсан. Ўша ерда унай, ўсай десанг, оғзинга тош сол. Куёвнинг остонасини ҳам «сиз»лаб

Дунёнинг роҳати ҳақиқий дўст, меҳрибон хотин, қобил фарзанд ва саломатликдир. Негаки, фақат шуларгина кишига хотиржамлик келтира олади.

Суқрот

Оилавий масалада эр билан хотин ўртасида тотувлик ва маслаҳатлашиб иш тутиш бўлмаса, бундай оила азоб ва машаққат масканига айланади.

Олимат ал-Банот

босгин. Борган жойингнинг бирини икки қилмасанг, қайнонанинг ҳам, онангнинг ҳам меҳнати зое, болам...

* * *

Ўғлоним умрингизнинг охиригача сиздан асло нари кетмай, фақат сизнинг парванангиз бўлиб

яшайдиган – аёлингиздир. Аёلسиз ҳаёт – дўзах, уй – уй эмасдир. Сиз минг бой бўлинг, минг олиму машҳур бўлинг, аёлингиз бўлмаса ғарибдирсиз. Яна қайтариб айтаманки, эркак зотини Оллоҳ мард яратган, аммо мўрт яратган. Шу мўртлигингиз боис сизга

бизнинг тоифани кўшиб яратган. Аёл сизни синишдан асрайди. Аёл ўз файзи билан рўзгорнинг ҳамма жабҳасини нурлантириб турсагина эрлар мард бўладилар, чўнг бўладилар.

Турсуной СОДИҚОВАнинг
«Меҳр қолур» китобидан.

МУЛОҲАЗА

ЁШЛАРНИ ВАТАНПАРВАРЛИК ТУЙҒУСИ БИЛАН ТАРБИЯЛАШ – ДАВР ТАЛАБИ

Ўз даврида француз шоири Рене Шар шундай ёзган эди: «Ватанга қўриқчилар эмас, посбонлар керак». Қўриқчилар асосан полизга ўрнатилди ва ҳосилни хавфдан қўримоқ учун хизмат қилади. Посбонлар эса ўз юртини, Ватанини хавф-хатардан ҳимоя қилади ва фидойиликни ўзида ифода этади.

Ватанни севиш, унга фидойи бўлиш ҳақиқий ватанпарварликдир. Бу тушунча шунчаки бир сўз эмас. Балки шу Ватан озодлиги, фаровонлиги ва раванқи йўлида, миллат ва она тупроқ шаъни учун ҳар қандай хатар юзига тик боқишлик, керак бўлса, жон фидо этишликдир.

Вазирлар Маҳкамасининг «Ёшларни ҳарбий-ватанпарварлик руҳида тарбиялаш концепциясини тасдиқлаш тўғрисида» даги қарори юртимиз келажигини таъминлашда муҳим ҳужжат саналади. Чунки у ёшларда жамиятнинг турли тармоқлари, айниқса, ҳарбий соҳа билан алоқадор бўлган давлат хизмати турларида фаоллик кўрсатиш, тинч ва ҳарбий шароитда Конституция ва ҳарбий бурчга садоқатли бўлиш, уларда ўз юрти ва халқи тақдири учун юксак масъулият ва жавобгарлик каби муҳим хусусиятларни шакллантиришни олий мақсад қилиб белгилайди.

Ёшларни ҳарбий-ватанпарварлик руҳида тарбия-

лаш Концепцияси – мамлакатда амалга оширилаётган ёшларга оид давлат сиёсатининг асосий тамойил ва устувор йўналишлари асосида ишлаб чиқилган бўлиб, ҳозирги мураккаб глобаллашув даврида, ахборот-коммуникация технологиялари шиддат билан ривожланиб бораётган бир шароитда ёшларни ҳарбий-ватанпарварлик руҳида тарбиялаш билан боғлиқ долзарб вазифалар ва уларни ҳал этиш йўллари, давлат ва нодавлат ташкилотлар, оила, маҳалла, таълим-тарбия институтларининг бу борадаги роли ва аҳамиятини, ўзаро ҳамкорлигини миллий ва халқаро ҳуқуқий нормаларни ҳисобга олган ҳолда белгилаб беради.

Ўсиб келаётган ёш авлоднинг ватанпарварлик туйғуси билан тарбиялаш ўзаро чамбарчас боғлиқ бўлган қуйидаги функцияларни ўз ичига киритади:

– позиция-ҳолатли – ёшларнинг ижтимоий мавқеини, ўрни, жойи, функционал вазифаларини тушуниш ва

қабул қилишни таъминлаган ҳолда касбий фаолияти ва ҳаётий стратегиясининг асосий субъекти сифатида вазифалар учун жавобгарликни белгилаш;

– шакллантирувчи-ривожлантирувчи – ватанпарварлик туйғуси ижтимоий қадриятларга эга бўлган ходимларнинг тарбиялаш ва ўз-ўзини ривожлантиришнинг фаол таъсиридан иборат бўлиб хизмат фаолияти давомида ватанпарварликни тарғиб этиш;

– маълумотли-коммуникатив – бўлинмаларда ватанпарварлик туйғусини фаол таъсирини белгилаш, шунингдек, ижтимоий аҳамиятли муносабатлар ва коллективда қонуний муносабатларнинг ривожлантириш;

– ахборот-сафарбарлик – ижтимоий психологик ва педагогик билимлар воситасида коллективда ватанпарварлик туйғусини шакллантиришнинг самарали усуллари қўллаш.

Хулоса қилиб айтиладиган бўлса, ватанпарварлик руҳи билан тарбияланган ёш авлоднинг маънавияти ва фуқаролик бурчи жамиятнинг фаол иштирокчиси ва аъзосига айлантиради. Бу авлоднинг Ватанга бўлган муҳаббати ошади ҳамда садоқати янада кучаяди. Ватани ва халқи учун хизмат қилиш ҳисси янада жўш уради.

**З. ШОМУРОТОВ,
Қўролли Кучлар
академияси
катта ўқитувчиси**

ДОЛЗАРБ

ЮКСАК ЭЪТИБОР

Ўзбекистон Республикаси Президентининг ёшлар форумида келажигимиз эгаларига мурожаатидан келиб чиқадиган вазифалар, умумхалқ ҳаракатига айланган ёшларга доир бешта муҳим ташаббуслари ижроси ҳамда ватанпарварлик ойлиги доирасида Республика Ҳарбий прокуратураси маҳкамаси таркибий тармоқлари бошлиқлари томонидан ёшлар, шу жумладан, уюлмаган ёшлар билан навбатдаги учрашув, оммавий қабул ва меҳнат ярмаркаси ўтказилди.

Ўзбекистон Республикаси Бош прокурорининг ўринбосари – Ўзбекистон Республикаси Ҳарбий прокурори генерал-майор Шухрат Узakov ташаббуси билан Сирдарё вилоятининг Маънавият ва маърифат марказида ташкил этилган масқур тадбирда Мудофаа ва Фавқулодда вазиятлар вазирликлари, Миллий гвардия, вилоят ҳокимлиги, Ёшлар иттифоқи, Ёшлар ишлари агентлиги, бандликка кўмаклашиш маркази, банк, спорт муассасалари, қатор ташкилотлар, жамоатчилик вакиллари ва марказдан олинган яшовчи банд бўлмаган 100 дан ортиқ ёшлар иштирок этди.

Дастлаб, Президентимизнинг Ўзбекистон ёшлари форумидаги маърузасининг аҳамияти, ёш авлодга бўлган юксак эътибор ва ғамхўрлик, яратилган шароит ва имкониятлар моҳияти ҳақида атрафлича тушунтиришлар берилди.

Оммавий қабулда ёшлар ўзларини қизиқтирган ва фаолиятларидаги муаммоли ҳолатлар юзасидан жами 26 та жумладан, ҳарбий соҳага доир 11, банк-кредит бўйича 4, таълим йўналишида 3, тадбиркорлик фаолиятини бошлаш ва бошқа жабҳаларга оид 8 та масалада мурожаат қилишди. Улардан 5 таси шу

жойнинг ўзида ижобий ҳал этилди, 18 тасига қонунчилик талаблари асосида тушунтириш берилди ва 3 таси назоратга олинган ҳолда тааллуқлилиги бўйича масъулларга йўнатилди.

Ишлаш истагидаги ёшлар учун меҳнат ярмаркаси ташкил этилди.

Тадбир давомида иштирокчилар учун китоб ярмаркаси фаолият кўрсатди.

**Адлия полковниги
Шухрат ЗОИРОВ,
Ўзбекистон Республикаси
Ҳарбий прокуратураси
бўлим бошлиғи**

СЕРЖАНТЛАР – АРМИЯМИЗ СУЯНЧИ

Самарқанд шаҳрида жойлашган Ўзбекистон Республикаси Қўролли Кучлари кичик мутахассисларни тайёрлаш марказида навбатдаги битирув тантанаси бўлиб ўтди.



МАРКАЗДА НАВБАТДАГИ БИТИРУВ ТАНТАНАСИ



Унда Марказий ҳарбий округ қўшинлари қўмондонлиги, Самарқанд вилояти «Нуронийлар» кенгаши вакиллари, Ўзбекистон ёшлар иттифоқи Самарқанд вилояти Кенгаши раиси ва давлат, жамоат ташкилотлари вакиллари, фахрийлар, ота-оналар ҳамда ёшлар иштирок этди.

Сўзга чиққанлар ҳарбий соҳада амалга оширилаётган ислохотлар ҳақида гапирар экан, марказда сержантларни, яъни кичик командирларни тайёрлашнинг замон талабларига жавоб берадиган самарали тизими яратилганлиги, натижада эса юксак назарий ва амалий билимларга эга бўлган ҳарбий хизматчилар Қўролли Кучлар сафларидан муносиб ўрин эгаллаётганлигини алоҳида таъкидлаб ўтишди.

Шундан сўнг битирувчиларга сертификат, кўкрак нишонлари ва навбатдаги ҳарбий унвон тантанали равишда топширилди.

Тадбирда курсантларнинг қўл жанги бўйича кўргазмали чиқишлари, Самарқанд вилояти Ҳамид Олимжон номидаги драма театрининг сахна кўрнишлари ва концерт дастури намойиш этилди.

**Контракт бўйича ҳарбий хизматчи,
оддий аскар Хайрулло ЎЛМАСОВ,
марказ пресс-атташеси**



ИФТИХОР

ВАТАН ҲИМОЯСИ – ШАРАФЛИ БУРЧ

Мустақилликнинг дастлабки кунларидан мамлакатимизнинг мудофаа қобилятини мустаҳкамлаш, барқарорлиги ва хавфсизлигини таъминлаш борасида изчил ислохотлар амалга оширилди.

Мудофаа ва хавфсизлик тузилмалари сафи миллий кадрлар билан тўлдирилди, барча талабларга жавоб берадиган, тезкор ва ҳаракатчан, ташкилий жиҳатдан мукамал, замонавий қурол-яроғ ва техникага эга миллий армиямиз тузилди.

Профессионал армияни шакллантириш йўлида амалга оширилган ислохотлар сабабли унинг сафида хизмат қилиш Ўзбекистон фуқароси учун нафақат конституциявий бурч, балки том маънодаги шон-шарафга айланди.

Кейинги 4 йил ичида Қуролли Кучлар тизимида давлат ва жамият манфаатларини таъминлаш йўлида бир қатор ислохотлар амалга оширилди. Давлат тизимида стратегик режалаштириш бўйича улкан аҳамиятга эга янгиланган Мудофаа доктринаси қабул қилинди. Қуролли Кучларнинг жанговар шайлиги ва тайёргарлиги даражаси янги сифат босқичига кўтарилди. Кадрлар тайёрлаш тизими тубдан янгиланди. Жойларда ҳарбий-маъмурий секторлар жорий этилди. Ҳарбий соҳада халқаро ҳамкорлик миқёси, ўзаро ишонч ва ўзаро тажриба алмашиш кенгайди.

Энг замонавий қуроллар билан таъминланиш ҳисобига Қуролли Кучларимиз моддий-техник базаси мустаҳкамланди. Ҳарбий хизматчиларнинг ижтимоий ҳимояси сезиларли равишда кучайтирилди. Бугун халқ билан армиянинг бирлиги, якдиллиги амалда тўлиқ намоён бўлиб, ҳарбий хизмат жамиятда чинакам шарафли касбга айланди.

Мудофаа вазирлиги ҳарбий хизматчилари – жасур ва мард ўғлонларимиз қатор нуфузли Халқаро армия ўйинлари мусобақаларида муносиб иштирок этиб, юртимиз байроғини янада баландларга кўтариб, барчамизда ўзгача ифтихор ва ғурур ҳиссини уйғотмоқда.

Ш. БАХТИЁРОВ,
Жинойат ишлари бўйича
Қашқадарё вилоят суди судьяси

ТАҲРИРИЯТГА МАКТУБ

Танга шифо бергулик муолажа, ширин сўз инсоннинг узок умр кўришига хизмат қилади. Шундай касб эгалари бўлмиш шифокорларни халқимиз азалдан эъзозлаб келади. Ҳозирги пандемия шароитида уларнинг фидокорона меҳнатларини ҳаммамиз кўриб-билиб турибмиз.



СИЗЛАРДАН ШИФО ТОПДИМ

Мамлакатимизда аҳоли саломатлигини мустаҳкамлаш масаласи давлат сиёсати даражасига кўтарилгани бежиз эмас. Президентимизнинг Олий Мажлис ва халқимизга Мурожаатномасида 2021 йилни «Ёшларни қўллаб-қувватлаш ва аҳоли саломатлигини мустаҳкамлаш йили» деб эълон қилиш таклифи берилганидан қувондим.

Яқинда бош жароҳати туфайли келиб чиққан хасталик билан Фарғона ҳарбий госпитали асаб касалликлари бўлимида ётиб даволанишга мажбур бўлдим. Бу ердаги тартиб-интизом, яратилган замонавий шароит, хушмуомала муносабат ва муолажалар натижасида қисқа муддатда соғайиб, шифо топдим.

Бўлимда ўз касбига сидқидилдан ёндашаётган тиббий хизмат майори Эрдонали Раҳматов, шифокорлар – Абдувоҳид Ботиров, Мақсуда Абдубаннопова, Хулкар Зайниддинова, Шерзод Аллонов, Азизбек Бурҳониддинов ҳамда ҳамширалар – Баҳринисо Қосимова, Дилобар Мўминова, Зухра Отажонова, шунингдек, шахсий таркиб раҳбариятига фахрийлар номидан миннатдорлик билдираман. Қўлларингиз ҳеч дард кўрмасин, азиз саломатлигимиз посбонлари!

**Захирадаги майор
Кўпайсинжон БҮРИБОЕВ,
Афғон уруши қатнашчиси**

КЎНИКМА

ҲАЁТ МАКТАБИДА БИР КУН

Ҳарбий соҳага қизиққанимиз ва ҳарбий журналистика йўналишида ўқиётганимиз боис, 14 январь – Ватан ҳимоячилари кунини нишонлашга қизгин тайёргарлик кўряпмиз. Ушбу умумхалқ байрами арафасида армия ҳаёти ва ҳарбий хизматчилар фаолиятини ёритишни яқиндан ўрганиш мақсадида Наманган вилоятидаги ҳарбий қисмлардан бирига бордик.

Сафарбарлик чақируви резерви батальонида бўлиб, бу ердаги шароитлар билан танишдик. Йиғин давомида ўтказилаётган машғулотлар учун барча шароитларга эга бўлган ўқув хоналари, қолаверса, ахборот-ресурс маркази, ётоқхона, ошхона, спорт зали бизда катта таассурот қолдирди.

Йиғин иштирокчилари билан маънавий-маърифий, жисмоний ҳамда жанговар тайёргарлик бўйича мунтазам равишда машғулотлар олиб бориляпти. Шунингдек, хизматчилар ҳарбий хизмат давомида «Ғурумсарой» дала-ўқув майдонида амалий машғулотларни бажармоқда. Юрт посбонлари ўртасида ўтказилаётган спорт мусобақа-

лари, китобхонлик кечалари, иншолар танлови, концерт дастурлари уларнинг билими, иқтидори ва интеллектуал салоҳиятини сайқал топтиришга қаратилган.

Ёш авлодни ҳарбий-ватанпарварлик руҳида тарбиялашда ҳарбий хизматнинг мазкур тури ҳам муҳим аҳамият касб этиб келмоқда. Жасур йигитлар сафарбарлик чақируви резервидаги ҳарбий хизматнинг ойлик йиғинида бошланғич ҳарбий тайёргарликни эгаллаб, ҳаёт мактабида тобланыпти.

– Ҳарбий хизмат ҳар бир йигитнинг Ватан олдигаги муқаддас бурчи, – дейди хизматчи Иброҳимали Мирзахолиқов. – Ҳар бир ўзбек ўғлони ушбу шарафли вазифани виждонан адо этиши керак. Ҳарбий хизматга келиб, вақтимизни тўғри тақсимлашни ўргандим. Чунки ҳар бир жараён қатъий кун тартибига асосан белгиланган. Армия менга том маънода сезиларли таъсир ўтказди. Тартибли, интизомли ва жиддий инсонга айландим. Яқинда ҳарбий хизматни тугаллаб, Ватанга қасамёд қабул қиламиз ва уйга қайтамиз. Ушбу ҳаёт мактабида олган сабоқларим кундалик ҳаётимда ўчмас из бўлиб қолиши шубҳасиз.

Иброҳимали айтганидек, ҳар бир ўғлон она Ватанга хизмат қилиши лозим. Эл-юртимиз тинчлиги ва хавфсизлигининг ишончли кафолати уларнинг кўлидадир.

Дилнозахон АБДУРАҲИМОВА,
ЎзЖОКУ ҳарбий журналистика
йўналиши талабаси

НОРОЗИЛИК НАМОЙИШИ



АҚШнинг амалдаги Президенти Дональд Трампнинг ўн минглаб тарафдорлари Капитолий олдида норозилик намоийши уюштирдилар, сўнгра, уларнинг бир қисми бинога бостириб кирди. Бу эса 1814 йилдаги Англия – Америка уруши даврида британияликларнинг бу ерга ҳужумидан сўнг ўтган давр ичида АҚШ конгресси биносига қилинган биринчи штурмга айланди. Ҳуқуқни ҳимоя қилиш органлари намоийшчиларни тарқатиш учун кўздан ёш оқизувчи газ ҳамда махсус гаранаталардан фойдаланишга мажбур бўлди.

УЧИНЧИ ЛОҚДАУН



Бутунжаҳон соғлиқни сақлаш ташкилоти «британча» коронавирус штаммининг тарқалиш кўлами тобора кенгайиб бораётганини маълум қилди. Бу штаммининг юқумлилик даражаси аввалгисига нисбатан 70 фоизгача ортиқроқ бўлиши мумкин. Ҳозирда янги мутациядаги коронавирус дунё бўйича 41 та мамлакатда аниқланган. Буюк Британиядаги аҳвол жуда ёмонлашгани сабабли Бош вазир Борис Жонсон мамлакатда учинчи миллий карантин жорий этилишини эълон қилди.

ЭКОЛОГЛАР ТАЛАБИ БҮЙИЧА



Германия экологлари «Қишлаётган ҳайвонларга халал берманг!» деган талаб билан чиқишди. Бунга «Тесла» компаниясининг янги электр транспорт воситалари заводини қуриш учун ўрмонларни кесиш борасидаги қарори сабаб бўлган. Экологлар фикрича, дарахтларни кесиш бу ўрмонда қишлаётган турли ҳайвонлар, шу жумладан илон ва калтакесакларга халақит бериши мумкин. Шундан келиб чиққан ҳолда, мамлакат суди компанияни қурилиш ишларини тўхтатиб туришга мажбур қилган.

Интернет материаллари асосида тайёрланди.

ХОРИЖ АРМИЯЛАРИДА



БРАЗИЛИЯ ҲАРБИЙ ПОЛИЦИЯСИ

Бразилия ҳарбий полицияси мамлакат Қуроли Кучларининг барча турлари – Қуруқликдаги қўшинлар, Ҳарбий ҳаво ва Ҳарбий денгиз кучлари таркибидан ўрин олган бўлиб, марказий бўйсунувга эга эмас. Ҳарбий полиция вакиллари ўзлари бириктирилган бирлашма, қўшилма ёки ҳарбий қисм қўмондонлигига бўйсунди ҳамда уларнинг кўрсатмасига мувофиқ қонунийлик ва ҳуқуқий тартиботга риоя этилишини назорат қилиш борасидаги махсус вазифаларни бажаради. Ҳозирги вақтга келиб шахсий таркибнинг умумий сони бутун мамлакат бўйлаб деярли 9,5 минг кишини ташкил этади. Таъкидлаш жоизки, сўнгги йилларда мамлакат ҳукумати бу турдаги қўшилмаларни замонавий қурол-яроғ ва ҳарбий техника билан таъминлашга алоҳида эътибор қаратмоқда.



Ҳарбий полиция таркибига кириш учун номзодлар дастлабки танловдан ўтганидан сўнг олти ойлик тайёргарлик курсларида таҳсил оладилар. Улар юқори даражадаги жисмоний тайёргарлик ва қўл жанги малакаларига эга бўлишлари, автомобиль ва бошқа турдаги мототехникаларни бошқара олишлари, ўқотар қуроллардан моҳирона фойдаланиш кўникмаларини чуқур ўзлаштиришлари талаб этилади.

Ҳозирда **Қуруқликдаги қўшинлар ҳарбий полицияси** ихтисослашган бўлинмалардан ташкил топган бўлиб (*мамлакатнинг барча штатлари ва федерал (пойтахт) округида жойлаштирилган взвод, рота ва батальон кўринишдаги жами 37 та ҳарбий қисм*), улар гарнизонлар, қўмондонлик ва баъзи йирик ҳарбий қисмларнинг бошқарув штаблари билан ҳамкорликда фаолият олиб боради. Қуруқликдаги қўшинлар ҳарбий полицияси аъзолари идентификация учун ўз ҳарбий кийимлари (*униформа*) устидан оқ рангда *РЕ (Polícia do Exército)* ҳарфлари ёзилган қора боғич ёки шу ҳарфлар қизил рангда битилган оқ боғичдан фойдаланадилар. Уларнинг зиммасига шахсий таркиб, қуроллар, техника ва Қуроли

Кучларга қарашли бошқа мулклар хавфсизлигини таъминлаш; ҳарбий хизматчилар ва фуқаро ходимларга нисбатан қилиниши мумкин бўлган ноқонуний хатти-ҳаракатларнинг олдини олиш; зарурат туғилган ҳолатларда ҳарбий объектлар ҳудудида тергов ва кидирув тадбирларини ўтказиш; ҳарбий объектларда патруллик қилиш ва ҳарбий автотранспортларни назорат қилиб бориш; ҳарбий раҳбарият вакиллари, шунингдек, ҳарбий асирларни қўриқлаш ва кузатиб бориш; шубҳали шахсларни ҳибсга олиш ва тергов қилиш каби вазифалар юкланган. Бундан ташқари, қўидаги махсус вазифаларни ҳал қилиш ҳам ҳарбий полиция аъзоларига топширилган: дактилоскопик ҳисобга олиш, қуроллар, портловчи моддалар ва порохларни экспертизадан ўтказиш, ҳарбий хизматчилар иштирокидаги йўл-транспорт ҳодисаларини текшириш, дезертир (*қочоқ*)ларни қўлга олиш, уруш юзага келган ҳолатларда фронторти ва оккупация зоналарида хавфсизликни таъминлаш ва ҳ.к.

Ҳарбий ҳаво кучлари ҳарбий полицияси махсус вазифаларни бажарувчи батальонлар таркибига киради. Полиция вакиллари камуфляж қилинган униформа устидан оқ рангда *РА (Polícia do Aeronautica)* ҳарфлари ёзилган қора боғич ёки кулранг доира фонидан шу ҳарфлар оқ рангда битилган оқ боғичдан фойдаланадилар. Шахсий таркиб зиммасига гарнизонлар ҳудудида назорат-ўтказиш режимини ташкил қилиш ва унга риоя этилишини таъминлаш, умумий ички тартибни сақлаш, ҳарбий асирларни қўриқлаш, қўмондонлик таркибини кузатиб бориш, кинология хизмати ва отлиқ полиция ишини назорат қилиб бориш, тантанали вазифаларга оид топшириқларни бажариш, жамоатчилик иштирокидаги тадбирлар вақтида ҳарбий ва сиёсий раҳбарият хавфсизлигини таъминлаш, автомобилларнинг гарнизонлар ичидаги ҳаракатини назорат қилиш, самолётлар ва аэродромлар хавфсизлигини таъминлаш, шунингдек, Ҳарбий ҳаво кучларига қарашли қисмлар жойлашган

ҳудудларда низом тартибига риоя қилинишига йўналтирилган бошқа бир қатор вазифалар юкланган.

Ҳарбий денгиз кучлари ҳарбий полицияси бўлинмалари бевосита денгиз пиёдалари қўмондонлигига бўйсунди ва ХДК юрисдикцияси доирасидаги вазифаларни бажаради. Қуроли Кучларнинг мазкур турига қарашли объектлар мамлакатнинг турли ҳудудларида жойлашганлиги сабабли ҳарбий полициянинг асосий куч ва воситалари Рио-де-Жанейро (*Рио-де-Жанейро штати*) ва Бразилия (*пойтахт федерал округи*) шаҳарларида жамланган. Шахсий таркиб зиммасига юкланган вазифалар кўп жиҳатдан Қуруқликдаги қўшинлар ва Ҳарбий ҳаво кучлари ҳарбий полицияси томонидан бажариладиган вазифаларга ўхшаш.

Бразилия қонунчилигига мувофиқ ҳарбий полиция ҳарбий хизматчилари давлат ва ҳокимият органларининг расмий талаби бўйича фавқулодда вазиятлар содир бўлган ҳолатларда фуқаро аҳолига ёрдам кўрсатиш, табиий офатлар ва техноген фалокатлар оқибатларини бартараф этиш, жиноятчилик авж олган ҳудудларда жамоат тартибини ўрнатиш ва уни сақлаш бўйича маҳаллий ҳуқуқни ҳимоя қилиш органлари билан ўзаро ҳамкорликда иш олиб бориш, мамлакат ҳудудида йирик халқаро сиёсий, маданий ва бошқа тадбирларни ўтказишда хавфсизликни таъминлаш сингари вазифаларни ҳал қилишга жалб этилиши мумкин.

Шуни алоҳида таъкидлаш жоизки, Бразилия ҳарбий полицияси бўлинмалари хориж мамлакатлар ҳудудида ўтказиладиган тинчликпарварлик миссияларида фаол иштирок этади. Жумладан, сўнгги йилларда улар Бирлашган миллатлар ташкилотининг Гаитидаги вазиятни барқарорлаштириш миссиясида қатнашди ва БМТнинг Ливанда жойлашган муваққат кучлари таркибидеги фаолиятини ҳозирда ҳам давом эттирмоқда.

П. САЙДИВАЛИЕВ тайёрлади.

ЙЎЛОВЧИЛАР ГАРОВГА ОЛИНДИ



Афғонистоннинг Ҳирот вилоятида «Толибон» ҳаракати жангарилари ичида йўловчилари бўлган автобусни эгаллаб олишди. Бу ҳақда «Синхуа» агентлиги хабар бермоқда.

«Бир гуруҳ қуролланган жангарилар Чилдустарон туманидаги Ҳирот – Турғунди шосесида ичида ўнлаб йўловчилари бўлган автобусни эгаллаб олишди ва номаълум йўналишга олиб қочишди», деб маълум қилди ҳукумат вакили Муҳаммад Умарзай.

ИМПОРТ МИҚДОРИ ОШГАН



Тожикистон давлат статистика агентлиги матбуот хизмати маълумотида кўра, мамлакатда нефть маҳсулотлари импорти миқдори ошган. 2020 йилнинг

январь-ноябрь ойлари мобайнида мамлакатга хориждан 540 минг тонна нефть маҳсулотлари келтирилган. Бу кўрсаткич 2019 йилга нисбатан 19 фоизга ошган. Бу йўналишдаги асосий экспортчи Россия ҳисобланади. 2021 йилда эса импорт қилинадиган энергоресурслар миқдори 830 минг тоннага етказилиши режалаштирилган.

САЙЛОВЧИЛАР РЎЙХАТИ ТАЙЁР



Қирғизистон Республикаси Марказий сайлов комиссияси маълумотида кўра, муддатидан олдин ўказиладиган президент сайловлари ва референдумда иштирок этадиган сайловчиларнинг якуний рўйхати шакллантирилган ва барча сайлов участкаларига етказиб берилган. Рўйхатга Ягона давлат реестри маълумотлари асосида 3 563 574 киши киритилган. Сайловчилар сони бўйича Ўш вилояти етакчилик қилмоқда (умумий миқдорнинг 20 фоизи).

Интернет материаллари асосида тайёрланди.

МУДОФААГА КЎМАКЛАШУВЧИ «ВАТАНПАРВАР» ТАШКИЛОТЛАРИДА

РЕКЛАМА УРНИДА

ТАШАББУСЛАР ҚўЛАБ – ҚУВВАТЛАНМОҚДА



Ўзбекистон мудофаасига кўмаклашувчи «Ватанпарвар» ташкилотининг Қорақалпоғистон Республикаси кенгаши тасарруфидаги Чимбой тумани ўқув-спорт техника клубида ёшларни ижтимоий фойдали ҳамда оммавий ватанпарварлик ишларига жалб этишга алоҳида эътибор қаратилмоқда.

Президентимизнинг «Ўзбекистон Республикаси Қуролли Кучлари ташкил этилганлигининг 29 йиллиги ҳамда Ватан ҳимоячилари кунини нишонлашга тайёргарлик кўриш ва ўтказиш чора-тадбирлари тўғрисида»ги фармойишига мувофиқ қизгин давом этаётган «Ватанпарварлик ойлиги» давомида «Ким Ватанга содиқ бўлса, мендирман ўша!» деган устувор ғоя асосида турли маънавий-маърифий тадбирлар, учрашув ва давра суҳбатлари, спорт мусобақалари ўтказилляпти.

Ўқув-спорт техника клуби (ЎСТК) биносининг замонавийлиги ва спорт техника, ўқув автомобиллари жиҳозлари ҳамда маънавият ва маърифат бўйича кўргазмалар билан таъминланганлиги бу борада қулайлик яратяпти.

– 2020 йил мобайнида, 600 нафар «В», «ВС», «D», «E» тоифали ҳайдовчилар тайёрланиб, бу борадаги режанинг тўлиқ бажарилишига эришилди, – дейди туман ЎСТК бошлиғи Аяпберген Есемуратов. – Бундан ташқари, ўттиз соатлик дастур асосида ҳайдовчиларни қайта тайёрлаш йўналишида ҳам маълум муваффақиятларга эришилди. Энг асосийси, ташкилот аъзоларининг янгиликка интилувчанлигидир. Айти пайтда ёшларимизни ватанпарварлик руҳида тарбиялаш услубининг ранг-баранглиги, ўқитувчилар, амалий бошқаришни ўргатувчи усталарнинг ўз билим ва маҳоратларини доимий равишда замон талаби асосида ошириб бораётганлиги ютуқларимиз омили бўлмоқда.

Кенг ва шинам, тўлиқ жиҳозланган синфхоналар, улардаги инновацион видеопроекторлар, компьютерлар жамланмаси, турли ҳаракатланувчи стендлар ва бошқа кўргазмалар, янги замонавий енгил ва юк автомобиллари автомактабнинг моддий техника базасини ташкил этади.

Яқунланган йилда спортнинг техник ва амалий турларини аҳоли, айниқса, ёшлар ўртасида ривожлантириш борасида ҳам Чимбойда салмоқли ишлар қилинди. Шу кунларда ҳаво милтиғидан ўқ отиш, ёзги биатлон, авто ва кема модели каби секцияларга 48 нафар ёшлар жалб қилинган.

Акбар АЛЛАМУРДОВ

Мудофаага кўмаклашувчи «Ватанпарвар» ташкилоти Қорақалпоғистон Республикаси кенгаши тасарруфидаги Чимбой тумани ўқув-спорт техника клуби жамоаси

Барчангизни 2021 йил билан ҳамда мамлакатимиз Қуролли Кучлари ташкил этилганлигининг 29 йиллиги ва 14 январь – Ватан ҳимоячилари куни муносабати билан чин дилдан муборакбод этади.


Шу азиз Ватанга, халқимиз хизматига доимо шай бўлиб, озод ва обод юрт истиқболи учун яшаш ва хизмат қилишда зафар ёр бўлсин!






Bolajon

LABIRINT



Ranglar jilosi



CHUMOLI BILAN CHIGIRTKA

Bir o'tloqda chumoli bilan chigirtka yashar ekan. Ular juda do'st ekan. Yozda chumoli qish g'amini yeb, iniga don-dun tashibdi. Buni ko'rgan chigirtka:



- Kichkina boshingga nega buncha tashvish, o'ynab- kulib yursang-chi, - debdi.

O'zi esa chirillab qo'shiq aytib yuraveribdi. Chumoli do'stining gaplaridan xafa bo'libdi. Lekin bildirmay, o'z ishi bilan ovora bo'libdi.

Bir kuni chumoli bug'doy boshog'ini ko'rib qolibdi. Sudrab iniga olib kirmoqchi bo'libdi, lekin kuchi yetmabdi. Shunda birdan chigirtka sakrab chumolining oldidan chiqib qolibdi.

- Do'stim. Vaqtida kelib qolding. Shu boshog'ni inimga olib kirishga yordamlash, - debdi.

Shunda chigirtka "chir-chirrr" deb uchib ketibdi. Chumoli esa uning ishidan juda xafa bo'libdi. Boshog'ni bir amallab iniga sudrab olib boribdi.

Salqin kunlar boshlanibdi. Chumoli inini issiqqina qilib olibdi.

Bir kuni yomg'ir yog'ibdi, sovuq shamol esibdi. Chigirtka kuz kelganini bilib in qidiribdi. Hamma yoq ho'l, sovuq ekan. Shunda u do'sti chumolini eslabdi va uning ini oldiga borib:

- Chumolijon, meni iningga kirgizgin, juda sovqotdim, ochman, - debdi.

Chumoli juda rahmdil ekan: - Mayli, kiraqol, lekin kelgusi yil yozda qish harakatini qil, - debdi.

Shunday qilib ikki do'st chumolining inida qishlashibdi.

O'XSHASHINI TOPING

1		A.	
2		B.	
3		S.	
4		D.	
5		E.	
6		F.	

ПОСБОНИМАН МУҚАДДАС ЮРТНИНГ

ИЖОДКОРЛАР ТАҚДИРЛАНДИ

Ўзбекистон Ёзувчилар уюшмасида «Посбониман муқаддас юртнинг» танлови ғолиблари тантанали равишда тақдирланди. Унда Мудофаа вазирлиги, Қуролли Кучлар академияси, Миллий гвардия ҳарбий-техник институти, Давлат хавфсизлик хизмати академияси, Тошкент ҳарбий округи, Давлат божхона қўмитаси божхона институти, Фавқулодда вазиятлар вазирлиги академияси, Ўзбекистон давлат санъат ва маданият институти вакиллари, ёзувчи ва шоирлар иштирок этди.



Ўз олганлар мамлакатимизда ватанпарварлик мавзусидаги қўшиқлар яратилиши борасидаги саъй-ҳаракатлар, ҳарбий хизматчилар ҳамда профессионал шоирлар ўртасида ўтказилган танловнинг аҳамияти борасида ўз фикрларини билдириб ўтишди.

Танлов жараёнлари Қуролли Кучлар тизимидаги барча ташкилотлар иштирокида юқори савияда ўтказилиб, республика босқичига 58 та иншо ҳамда 71 та шеър тақдим этилди.

Ижодий ишларни Ёзувчилар уюшмаси аъзолари ва Мудофаа вазирлиги вакиллари иборат ҳайъат аъзолари баҳолаб боришди. Якуний хулосаларга кўра «Посбониман муқаддас юртнинг» танловининг республика босқичида қўйидаги натижалар қайд этилди.

Профессионал шоирлар ўртасидаги шеърий асарлар бўйича ғолиблар:

1-ўрин – Зулфия Мўминова, Ўзбекистон ёзувчилар уюшмаси аъзоси, шоира, «Меҳнат шўхрати» ордени соҳибаси (ҳарбий мавзудаги шеърлари учун);

2-ўрин – Дилшод Ражаб, Ёзувчилар уюшмаси аъзоси, «Вазият» газатаси бош муҳаррири;

3-ўрин – Оқил Абдубарноев, Ўзбекистон Санъат ва маданият институти талабаси, шоир.

Қуролли Кучлар тизими ҳарбий



хизматчилари ўртасидаги шеърий асарлар бўйича ғолиблар:

1-ўрин – Фахриёр Бахтиёров, Ўзбекистон Республикаси Миллий гвардияси ҳарбий-техник институти курсанти, (Ватан мавзусидаги шеърлари учун);

2-ўрин – Рафиқали Жабборов, Давлат хавфсизлик хизмати академияси курсанти (Ватан қаҳрамонлари мавзусидаги шеърлари учун);

3-ўрин – Улуғбек Боймуродов, Мудофаа вазирлигининг Тошкент ҳарбий округига қарашли ҳарбий қисм сержанти.

Қуролли Кучлар тизими ҳарбий хизматчилари ўртасидаги иншолар танлови ғолиблари:

1-ўрин – Зайниддин Раҳимов, Мудофаа вазирлиги Ҳаво ҳужумидан мудофаа қўшинлари ва Ҳарбий ҳаво кучлари қўмондонлигига қарашли ҳарбий қисм ҳарбий хизматчиси;



2-ўрин – Дўстмурод Худойкулов, Давлат божхона қўмитаси божхона институти Маънавият ва ёшлар тарбияси маркази инспектори («Темур тузуклари»да ватанпарварлик ғояси мавзусидаги иншоси учун);

3-ўрин – Шахриддин Фахриддин, Фавқулодда вазиятлар вазирлиги академияси курсанти.

Танлов якунида ғолиблар Ёзувчилар уюшмаси ва ҳамкор ташкилотлар томонидан диплом, пул мукофотлари ҳамда эсдалик совғалар билан тақдирланишди.

Лейтенант Бобур ЭЛМУРОДОВ, «Vatanparvar»

БИР ЧИМДИМ

Яхшилик қилаётгандек кўринманг.
Яхшилик қилинг, кўринманг...

Ла Эдри

БИЛАСИЗМИ?

1206 йилда тахтга ўтирган Тимучин – Чингизхонни мўғуллар «уммондай улуг зот», дея таърифлашган. Улар қайси уммонни назарда тутган?



Жавоб: Уша даврларда мўғуллар битта сўз уммондай билмишди. Бу – Байкал кўли.

БИЛАСИЗМИ?

«Ҳозирги маданият оламида миллатнинг ўз ҳуқуқини сақлаш шарафи унинг қуроли кучигагина боғланмишдир. Шунга кўра, Ватан болалари олдимиздаги келажак кунларни эскариб, замонавий илм ўқишга чин кўнгиллари билан киришиб, ҳалол мерос ўз Ватанларини эгаллаш учун мудофаа қувватини тайёрлашга тиш-тирноқлари билан ёпишсинлар». Бу кимнинг даъвати эди?



Жавоб: Алихонтура Соғдиин.

КЕЛГУСИ СОНЛАРДА:

Янгича қиёфадаги «Нуристон» полигони

VATANPARVAR

Муассис:



ЎЗБЕКИСТОН
РЕСПУБЛИКАСИ
МУДОФАА
ВАЗИРЛИГИ

www.mudofaa.uz

Бош муҳаррир:

майор
Аҳрор Очилов

Навбатчи:

майор
Гулнора Ҳожимуродова

Саҳифаловчилар:

лейтенант
Рамиз Валиев
Нодирабегим Валиева

Мусахҳиҳлар:

Зебо Сариева
Сайёра Мирзаева
Мастура Қурбонова

Телефонлар:

котибият: (71) 260-36-50
бухгалтерия: (71) 260-35-20
юримлик бўлим: (71) 269-88-91
факс: (71) 260-32-29

ISSN 2010-5541

Таҳририятга келган қўлёзмалар тақриз қилинмайди ва муаллифларга қайтарилмайди. Мудофаа вазирлиги Ахборот ва оммавий коммуникациялар департаменти – «Ватанпарвар» Бирлашган таҳририятнинг компьютер марказида саҳифаланди.

Газета Ўзбекистон Матбуот ва ахборот агентлигида 2008 йил 6 июнда 0535 рақами билан рўйхатга олинган.

Газетанинг етказиб берилиши учун обунани расмийлаштирган ташкилот жавобгар. Муаллифлар фикри таҳририят нуқтаи назаридан фарқланиши мумкин.

Буюртма: г-105.
Ҳажми: 6 босма табоқ.
Бичими: АЗ.
Адади: 34 606 нусха.
Босишга топшириш вақти: 14:00.
Топширилди: 14:30.

Газета жума куни чиқади. Газета 1992 йилнинг 24 июнидан чиқа бошлаган.

Нашр кўрсаткичи: 114.
Баҳоиси: келишилган нарҳда.
«Шарқ» нашриёт-матбаа акциядорлик компаниясида чоп этилди. Босмахона манзили: Тошкент ш., Буюк Турон кўчаси, 41-уй.

1 2 3 4 5 6

Манзилимиз:
100164, Тошкент,
Университет кўчаси, 1-уй.